

عبد الله عبد الحميد العزالي

ناقصى عقل جذور بلا أرض

رواية

طبعة ثانية مايو ٢٠١٩



عبد الله عبد الحميد العزالي

بطاقة الكتاب

عنوان المؤلف	ناقصى عقل (جذور بلا أرض)
المؤلف	عبد الله عبد الحميد العزالى
التصنيف	رواية
رقم الإيداع القانونى	٢٠١٩ - ٨٢٠٤
رقم الإصدار الداخلى	٣٨٩ الطبعة الأولى إبريل ٢٠١٩
عدد الصفحات	١٢٤ صفحة

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



مؤسسة
النيل والفرات
للطبع والنشر والتوزيع
أسسها الناقد ناجى عبد المنعم
حلم 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901




النيل والفرات

nagyegy200064@gmail.com




alnilwaalfourat

alnilwaalfourat@gmail.com

المقر الرئيسى: ج.م.ع - محافظة الشرقية - العاشر من رمضان - مجاورة 13 - أمام سنتر الـ 13 - عقار 304

إهداء

الى من عرفوا الحقيقة

وسكتوا عنها خوفا على العقول منها....

ناقصى عقل

جزور بلا أرض

عجيب أن نعيش عمراً طويلاً ونكون سعداء لأننا لنعلم من نكون في حقيقتنا ولكن كأننا نستكثر السعادة علينا فنسأل من حولنا عن تلك الحياة التي نعيشها نسأل تقول من كنا وكيف أصبحنا فيسمعون منا فمنهم من يصمت ومنهم من يتكلم وعندما يتكلمون نقول ياليتهم سكتوا .. ياليتنا لم نسأل ياليتنا لم نعرف

حينها نحلم لو قتلنا من قالوا لنا حقيقتنا ومن سكتوا ولم يتكلموا ولكنهم عرفوا



ثم نهرب منهم جميعاً بما عرفناه منهم قاتلين تلك الحكايات
ستموت فى غياهب العقل والصدر فنحن لن نمتلك منها أبداً
لانتكلم حتى مع انفسنا أو مع غيرنا حتى لا تكشفنا آهات الكلام
إذا تكلمنا

فنعيش حاملين هذه الحقيقة البائسة وهى مختبئه فى داخل
صدورنا.. خائفين منها.. ونخاف أن يطلع عليها أحد غيرنا
فيعرف حقيقتنا . يعرف من كنا وكيف أصبحنا وحينها
سيسألون السؤال الغبى لماذا وكيف ؟

والكل يحتاج إجابته .. إجابته ..نحنُ لم ولن نمتلكها يوماً
وسوف يسألون تلك الأسئلة البلهاء العجيبه التى لا يوجد رد
عليها سوف يسألوننا ويعاتبوننا وكأننا أجرمنا عندما ولدنا
لهذا الأب وتلك الأم وكأننا نحن الذين صنعنا تلك الحياة التى
هى ليست لنا .. بل هى حياةٌ لغيرنا عاشوها هم .. صنعوها
هم فكيف نتحمل نحن تبعاتها *



هى لهم فكيف نحاسب عليها ؟

وهنا سؤال يتردد يصرخ يقول كيف لحياتهم ان تعيش فينا؟
لماذا نتحمل نحن تبعات هذا التاريخ الذى يلتصق بنا
ونحاسب عليه بل نحمله معنا وكأنه جنين يتربى فى أحشائنا
يكبر ويكبر حتى يصبح مثل الجبال فى ثقلها فنكاد نموت تحت
وطأتها

والعجيب أن تظل تلك الحكايات ملازمة لنا مهما تجاهلناها
لتموت داخلنا ولكنها تتربص بنا تختبأ أحيانا وأحيانا تكون
مثل الشمس كاشفه فاضحه لما نحمله فى صدورنا ونظن انه
سر أسرار حياتنا والأعجب أننا قد نجد أنفسنا وقد أحببنا أن
نعيش تلك الحكايات فينا والتي تكاد أن تقتلنا ونخاف أن
يعرفها غيرنا نعيشها ونردد تفاصيلها بين أنفسنا خوفا أن
ننساها ونقول أننا فى يوم سوف ننساها وينساها كل من
حولنا ولكن هيهات هيهات لتلك الحكايات ان تموت فينا أو
ننساها مهما حاولنا أن نتناساها



فكلما ظننا أننا نسيناها إسترجعتها لنا ذاكرتنا
وكأنها تقول تلك حكايات لامتوت قبل ان تقتلكم او تكشفوا
الحقيقه عنها فيجب أن يعرفها كل من حولكم وعندها لا يكون
حل للخلاص منها ولإزالة تلك الجبال من على صدوركم إلا أن
تتكلّموا عن تلك الحكايات بكل التفاصيل فيها مهما إحتوت
على ما تتمنوا ان تنسوه أو تتناسوه إذا لابد وأن تقولوا
وتتكلّموا عنها أما انا عن نفسى سأحكى لأزيل تلك الجبال
عن صدرى سأقول سأكشف الحقيقه عن سر حياتى سأقول
عن تلك الحكايات التى أرهقتنى بحملها فى صدرى



ولنبداً مع حكايتي

وحكايتي والتي لا بد ان أتكلم عنها حتى يستريح قلبي من عبأ حملها كل تلك السنين الطويلة التي عشتها وأنا خائف ان يعرفها غيري تلك حكاية أشبه بحكايات ألف ليلة ولكن الفرق بينهما ان تلك حكاية حقيقيه عشت أحداثها وتفصيلها عشتها وعاشت داخلى سنين طويلة وأنا ساكت لا أتكلم عنها ولا أريد لها ان تخرج الى النور من غياهب العقل حتى أصبحت تسبب لى آلاما مبرحة وكأنها تُعاقبنى على حبسها فى صدرى والسكوت عنها وإهمالها عمداً لثقتل وها هي تأبى أن تستقر أو أن تموت وتُنسى فى غياهب العقل فكان لا بد أن أتكلم حتى يستريح قلبي وتهداً نفسى وكان السؤال لمن أحكي تلك التفاصيل بعد تلك السنين التي خبئتها فى صدرى حتى أصبح الألم منها لا يطاق وأصبحتُ أخاف تلك الآلام فهي تكاد ان تقتلنى وأخاف ان أقول تفاصيلها فالحقيقه ستقتلنى

ولكن سأبدأ معكم الحكايه حكاية حياة عشتها بكل تفاصيلها وعرفت ماخفى عنى منها من تلك الأسطورة التى ستعرفونها وتتعرفون عليها فهى سبب وهج الشمس الذى قتلنى او كاد ان يقتلنى تلك الأسطوره كما سميتها انا هى بطلة حكايتى وأن لكم ان تعرفوها وتعرفوا لماذا أصبحت تلك الحكاية هى سرى المكنون الذى كنت أخاف ان أحدث به نفسى أو يطلع عليه غيرى فهى حكاية غريبه وعجيبه ولم يخطر على بالى أن أحكيها .لكن بعد كل تلك السنين الطويله التى عشتها فى غربه داخل وطنى وعقلى وقلبى فى صراع مابين تصديق حياة عشتها وتفاصيل سمعتها ولا أستطيع ان أكذبها* وبسببها عشت سنين طويله غريب فى وطنى تاركاً بلدى وأمى وحبىبتى عشت هارباً من تلك الحقيقه التى عرفتھا ... هارباً من تلك اللحظات التى عشتها أكتوى بنارها مابين شك هو يقين عندى ... فأنا الذى سمع بأذنه الحقيقه كلها ممن تمتلك الحقيقه كلها فكيف أكذبها



انا الذى عاش التفاصيل انا الذى إكتوى بتلك النار نار حقيقه
مخزيه ولكنها حقيقه ... حقيقه مبهره فى ظلام النور حقيقه
تقول لك كل شيء ولا تريد انت منها شيء ياليتها لم تقل لى
عن شيء يا ليتنى لم اعرف أننى بطل القصة التى لأريد لأحد
ان يعرف تفاصيلها*

والآن كيف أحكى لكى يعرف كل العالم ما أريد إخفائه وما
أخجل منه أنا* ولا حتى أريد ان أعترف به لنفسى أننى أنا هذا
الشخص الذى له اكثر من حقيقه

حقيقة رسمية موجوده فى شهادة ميلاد .. وحقيقه مخفيه
فى صدور كثيرة تعرفها ولا تريد ان تبوح بها خوفا من لحظه
تكون فيها الحقيقه كا نور الشمس كاشفه فاضحه للكل فالكل
يعرفها والكل سكت عنها خجلا وخوفا.. وقالوا
بلبلدى خلوا الطبق مستور ومتغضى بل كانوا يتهامسون
يقولون أجعلوا الحقيقه مستوره كالليل . فالكل يعرف
والكل ساكت فتركوها ...



ولكن هل يجوز السُّكَّات بعد كل تلك السنين التى تغربت فيها
فى بلدى ..بعد ان تركت أهلى وحب عمرى ... بعد ان ظننت
أنى قد قتلت قلبى فعادت آهات الشوق لحبيبتى تقتلنى والآن
أريد الرجوع الى بيتى ولكن لا أعرف الى أى بيت سوف
أذهب أذهب الى بيت أبى الذى ربانى .. أم الى بيت
هو لى بوصيه كُتبت من أجلى أعوام كثيرة ..وسنين طويله
وايام لاتنتهى وليالى خاليه من نجوم وقمر كان عشقى خمسة
عشر عام منذ ان تركت بلدى هربا من حقيقة وجودى من
حقيقة أننى أنا لست انا

ولكن لابد من العوده ولابد وأن اقول الحقيقه بعد تلك
السنين الطويله التى إستهلكت عمرى لعل الحمل الثقيل يذهب
من قلبى.. لعلى أعيش ايام عمرى ..فأنا الآن عمرى سبع
وثلاثون عام ولم أتزوج ولم تصبح لى أسرة كنت أحلم بها
مع حب عمرى سعدية .. سعدية .



(التي أصبحت الآن من كبار صحفى مصر تحت إسم مستعار حرفين فقط من إسمها (س ع) وكأنها تختبأ من حقيقة إنها من بلدى او تختبأ ممن يعرفونها فهي مثلى عرفت بعض الحقيقه عرفت البعض فقط فما بالكم بمن عرف كل الحقيقه (...) صحفيه يشار لها بالبنان ..وبخبطاتها الجريئه وتحقيقاتها التى تكشف المستور عن الفساد وما أكثره فى بلادنا حتى أصبحت هدف لمن يريدون ان يستمر الفساد فى كل شيء حولنا ... سعيه التى تركتها بعد تخرجها بأيام قليله ..وهى تتكلم عن الحلم ..حلم الزواج وحلم العمل حلم هدم بيوت البوم وفتح شبابيك العقل لدخول نور الثقافه والمعرفه كانت كل أحلامنا مشتركه كل احلامها أن تكشف الفساد وتكتب عن الحب.. وحلمى أن أكتب كتابى عن الحكايات والقصص الشعبيه وكيف تؤثر فينا وفى تكويننا وعقليتنا كل تلك الحكايات

يومها لم أكن اعلم اننى سأكون بطل لحكاية من تلك
الحكايات .. ياه لقد تكلمت كثير .. ولم ابدأ حكايتى وها أنا افتح
قلبى وعقلي وأشارككم سرى .. الذى أثقل قلبى وأتعب نفسى
.. وها أنا أبدأ معكم الحديث وأقص عليكم حكايتى



الفصل الأول

أعرفكم بنفسى .. أنا محسن جمال .. خريج كلية الآداب
قسم أجتتماع .. أو قولوا بين أنفسكم جمال بطل القصة التى لم
يكن لى فيها دور بطوله ولم اصنع فيها شيء بل كنت أنا
البطل إجبارا أو بالصدفه صدفه صنعها تاريخ غريب كنت فيه
لاشيء فإن هذا التاريخ بدأ قبل ميلادى بكثير ولهذا كنت فى
حيره شديده بين ان أحكى أو اصمت وإنى أعلم أن الإختيار
بينها صعب فأول الحكاية صعب والنهاية مأساه ولكنى سأبدأ
من أول الحكايه فأنا نشأت فى بيت كبير وحيد مع أم أعطتنى
كل شيء فكُنت دلوغ ماما كما يقول أبى وأب شديد المعامله
كلماته قليلة وأوامره كثيره فكانت كلماته القليله فوق مستوى
عقلى الصغير فدائما يردد أكبر كن رجل تحمل المسئولية وأمى
تقول له دعه إنه طفل دعه مثل الأولاد يلعب ويفرح وهو يقول
إنه ليس مثلهم انه غيرهم

ولابد وأن يتحمل المسؤولية حتى إذا عرف تحمل ولم اكن افهم من هذا الحديث شيء او عن ماذا سأعرف فأتحمل؟ ولهذا تولد داخلي إحساس بأن هذا الرجل كان لا يُحبنى كأب له ابن وحيد فيمنحه الحب بل كنت أحس وانا الصغير بأننى حمل ثقيل يحملة على كتفه يريد ان يتخلص منه بسرعة فكان كل همه أن يعلمنى كيف أكون راجل واتعلم من الرجال كان دائم الهمس مع امى يتكلم عنى يقول لها لابد وان يسافر لابد وان يبتعد الى مكان بعيد لايعرفه هناك احد ولا يعرف هو فيه احد ومن هناك يبدأ حياته فى هواء نقى جديد لم يتلوث بعد ولما كنت أقترب منهما كان يسكت ويصمت هذا الهمس بينهما والعجيب أن أبى كان دائما يصطحبنى معه الى المجالس العرفيه لكى أتعلم كيف أحكم العقل فى أحكامى وتصرفاتى ولا أصدر حُكم على شئ إلا بعد سماع الأقوال من الكل وبعد تفكير أيصدر الحكم وكان هذا شيء صعب على طفل فى مثل سننى



فأنا مازلتُ طالب في الثانويه العامه والعجيب انه كان يجعلنى أترك دروسى وأذهب معه الى تلك المجالس لأتعلم وأرى كيف يحكم الرجال ومع التعود على تلك المجالس أحببتها وأحببت مايدور فيها ولهذا قررت أن ادخل كلية الآداب لكى أدرس واتعلم عن سلوك وحكايات الناس فى قسم الإجتماع .. كان يصطحبنى معه وكأنه كان يمهد لمستقبل سوف أعرف فيه كل شيء وكأنه كان يجهز عقلى الصغير ليستوعب كل شيء وكانت أسمع أمى تقول ترفق به فهو صغير إتركه للمذاكره سيبه يلعب شويه زى العيال فكان رده الوحيد لازم يتعلم بسرعه حتى يذهب بعيد بعيد لآخر الدنيا فكانت مصاحبتى لأبى الغريب القريب منى جعلتنى أحب تلك المجالس وكنت حريص عليها وخصوصا وانا الشاب وجميع من معى شيوخ كبار فى السن والمقام شيخ البلد العمده .. كبارعائلات البلد .. الكل يجتمع ويتشاور ثم يصدروا الحكم ويكون الحكم نهائى لا رجعه فيه والعجيب أن الكل مستجيب للحكم الصادر عن المجلس

مهما كان فيه من ظلم من وجهة نظرى * ولهذا كنت أحب
ان أذهب واكون مع ابى فى تلك المجالس وأعوض وقتى
بلاجهاد فى المذاكرة وعند الإمتحانات أنقطع عن تلك
المجالس حتى أنتهى من الإمتحانات وهكذا كانت تمر السنين
أتعلم كيف أكون حكيم من الجلوس فى المجالس مع ابى وكيف
أوثق تلك المعرفة بالعلم بالدراسة المنهجية فى الجامعة
وهكذا كانت حياتى حب وشغف للحكايات التى تدور فى
المجالس والأحاديث الجانبية بين الجالسين لها رونق فهم
أحيانا يتكلمون بصوت جهورى وأحيانا يتهايمسون ويبتسمون
وها أنا قد تخرجت من جامعتى وبعدها بدأت مباشرة لعمل
دبلومة الدراسات العليا تمهيدا للماجستير وكان موضوعى عن
كيف تشكل الحكايات الشعبية عقول أهل القرى ومدى تأثيرها
فى المجتمع القروى والعصبيات بين العائلات فكنت أحضر
المجالس ودائم السؤال عن أيام زمان ولماذا وكيف وهكذا
حتى رأيته تلك المتفرده*** المتفرده التى كنت أسمع عنها
من أمى



أو من بعض الجيران أو من عمى جوده ولكن العجيب ان الكل كان يتهامس عند ذكر اسمها فهم يرددون اسمها فى خشوع وتبتل كأنها شيء أسطورى* شيء غامض الكل يعرفه والكل يهابه .. فكانت هى الحاضر الغائب بينهم .. إذا اختلفوا فى رأى ما رجعوا اليها سألوها فترد فلا يكون لهم رأى بعدها تلك الأسطوره هى جدتى إنتصار التى كنت أسمع عنها ولكن لا أحد يذكر اسمها إلا فى القليل النادر وإذا ذكروها فى حديثهم فكنت أسمع البعض يلعن والبعض يبتسم فهى معروفه للكل كما شخص مجهول للكل .. شيء عجيب فيها فالكل يحسب لها ألف حساب ..حتى العمده وشيخ البلد والغريب ان أبى كان يُصر على أن أبتعد عنها بأكبر قدر ممكن ولا أقترب منها .. ولكن بعد الذى سمعته عنها كيف لا أقترب منها وأنا من يحضر المجالس فى بيتها .. وأسمع عنها فتعلمت الشوق لها وأثارت فضولى لدرجة انى قررت ان اكتب كتاب وتكون هى البطلة لهذا الكتاب فكنت أقول كيف لا أقترب منها

وهى مادة كتابى القادم .كيف لا أقترب والكل يتكلم عنها
بحرص شديد وتوقير كبير كأنها أيقونه غالية الثمن وأحياناً
كانوا يتكلمون عنها بخوف شديد وكُره فكان البعض يتكلم
عنها كأنها عدو سكن البيوت.. وقليلون فقط من تكلموا عنها
بحب حتى جعلوها عندي مثل الأسطوره أو الخرافات الشعبيه
وكان من المستحيل ان أقترب منها بدون إذن منها أو من أبى
..وكنت إذا سألت عنها سمعت من أبى تحذير شديد لى بعدم
الذهاب إليها ..أوالتحدث عنها مع أحد فأصبحتُ بعد تلك المدة
الطويله من التحذيرات والتنبيهات بعدم التفكير للذهاب إليها
والحديث معها أن تدور فى نفسى بعض الأسئلة لماذا الكل
يهابُها .. لماذا الكل خائف وكاره لها ومع ذلك يجتمعون فى
بيتها ..وكيف يجتمعون عندها وهى التى مات زوجها..كيف
يجتمعون فى بيتها وهو بيت ليس به رجل كباقي بيوت البلد
فصاحب البيت مات منذ زمن بعيد ولايسكنه غيرها



الفصل الثانى

تحقيق الأمنية

فى يوم قال لى أبى إذهب يا محسن الى جدتك إنتصار
هى طلباك .. عاوزه تشوفك .. فكدت أطير من الفرح لقرب
تحقيق الحلم بأن أجلس وأتكلم مع الأسطوره ... وعرفت بعد
ذلك ان ابى اعترض أشد إعتراض على طلبها وقال لها سببيه
فى حاله لاتشغلى فكره باللى فات فكان الرد منها .. فقالت
يا جمال محسن لازم يجيى هنا * لازم اشوفه بعد تلك السنين
الطويله

وهنا كان السؤال ...؟؟ لماذا انا من إختارته لكى تتكلم
معه .. لماذا أنا ؟ ولماذا كانت حريصه كل الحرص على أن
أسمع أنا منها وهى كما قالوا تعرف الكثير ولم تتكلم أبدا مع
احد كتمت فرحتى فى نفسى

وقلت له لا يا أبى أنا لن أذهب إليها فأنا أنك لاتريد منى أن
أذهب إليها ..فرد بلا إكتراث إنت حرس لازم تعرف إننى قلت
لك أن تذهب إليها وانت الذى لم يوافق على الذهاب إليها



الفصل الثالث

تحقيق الحلم ولقائى بها

بعد مدة ليست طويلة من طلب ابى الذهاب الى جدتى والإعتراض المصطنع منى بأننى لن اذهب إليها كان هناك أجمع لجلسة عرفية وتمت دعوة ابى لحضور الجلسة وكانت الجلسة فى بيت جدى كامل زوجها الذى توفى من زمن بعيد. ومع ذلك بقيت المجالس تعقد فى البيت وكأن صاحب البيت موجود فى هذا اليوم طلبت من أبى ان احضر معه المجلس فوافق وذهبت معه الى المجلس العرفى وكانت هناك مشكلة على قطعة ارض زراعية والكل متأهب للحكم لأن الحكم والجلسه كانت لعائلتان من أعيان البلد ولهذا الكل كان متأهب ومتحفز وعند دخولنا فإذا بها تنادى عليا بإسمى يامحسن تعالى هنا عوزه اكلمك.. هو أبوك مبلغكش إنى عوزاك... فنظرت لأبى فإذا وجهه أصبح له الف لون تغير وتكدر بشكل غريب لم أراه بهذا الشكل ابدا قبل ذلك ..ونظر لى

وقال إيه يا محسن مش انا قلت لك تروح لستك إنتصار إيه ماروحتش ليها .. وقال لى على مضض شديد وخوف أشد باين فى قسماات وجهه يلا بسرعه روح كلم ستك إنتصار .. وظل يردد انا مش قلت لك تروح لستك هى عوزاك .. عاوزه تشوفك .. فإذا بها تتبسم وتقول انا سئته برضوا يجمال ... ماشى تعالى يامحسن .. فذهبتُ اليها وانا أبتسم فى نفسى أبتسم من شيئان .. الأول أننى كان فى خيالى صورة لجدتى إنتصار إنها عجوزه أسنانها واقعه من زمان عندها زاهيمر فهى قاربت على السبعين عام فإذا هى ذات وجه صبوح جميل .. لها بسمه رائعه وخصوصا عندما تغمض عيونها وهى بتبتسم فتزيدها دلال وجمال .. والسبب الثانى لبسمتى هو تحقيق حلمى الذى طال انتظاره فبعد الترحيب بى والمسح على رأسى بيدها وسؤالها عن حياتى وكنت كلما قلت شيء عن حياتى تكمل هى وكأنها كانت تعيش معى فقلت لها إيه يا جدتى هو انتى عايشه معنا فى البيت وانا معرفش فقالت سيبك من كل ده انا عارفه عنك كل حاجه وحببت أعرفك إنى عارفه بس انا عاوزه أعرف حاجه ليه مجيتش لما أبوك قالك تيجى وليه بتقعد معاهم فى مجالسهم الفارغه دى ؟؟ فقلت أجلس معهم لأتعلم ..



فتبسمت بسمتها الرائعه وبعدها قالت تتعلم من من ..تتعلم من هؤلاء انا كنت فكراك طالع لأبوك كامل مخك صاحى وإنك هتعرف لوحذك إن دول ما بيعلموش حد* انا التى سأعلمك كل شيء وأعرفك كل شيء لكن على شرط (أن لاتسمع لهم ولتفهاات عقولهم بعد اليوم

فهم فقط يريدون ان يكونوا أوصياء عليك.. وكأنهم هم فقط أصحاب الحكمة.. وكأنهم هم فقط اصحاب الفضيله.. يثرثرون بالكلام الفاضى والمليان لا يريدون ان يسمعوا لغيرهم ولو سمعوا ما كانوا سيفهموا--- فهم فقط الذين يتكلمون وإذا تكلم غيرهم تمللوا وتثأبوا فأحبطوا من يتكلم إذا تكلم غيرهم فعجيب أمر تلك العقول... التى تظن أنها هى فقط التى تعرف وتفهم وهكذا بدأت حديثها معى ...

فقلتُ إنى أستمع لهم فى صمت لكى أسمع منهم الحكمة

وأتعلم كلام الرجال فتبسمت بملأ فمها حتى رأيت الولؤ عندها
يختبأ خلف تلك الشفاه الوردية.. أسنان ناصعة البياض وكأنها تقول
نعم لم أمضغ بتلك الأسنان طعام قط (فكامل كان يُسقينى الحليب
والعسل فقط ويطعمنى الشهد فأنا كُنت المحبوبة عنده ولهذا
ماذالت أسناتى برونقها الفتان- باقيه تزين بسمتى -- بسمتى التى
تخطف عقول الرجال الناظرين نحوى وأنا أضحك فى دلال -- فكنت
أبتسم لها كلما نظرت إليها بسمة المعجب المفتون -- وكنت أفتح
فمى كائننى الأبله الذى لايعرف ماذا يقول فأحببت تلك البسمة منها
وكنت أنظر إليها بذهول أنظر لتلك اللآلى التى تزين الفم الجميل
فكنت أحب أن أراها عندما تغلق عيونها وهى تبتسم أوتضحك
وعندما تتكلم بجدية تطيل السكات كأنها تسافر فى أعماق الزمان
حتى تأتى بكلماتها من أعماق قلبها -- فكانت كلماتها كأنها ثمار
لأشجار تنبت فى بستان مزروع فى أعماقها))



فإذا ارادت الكلام قطفت من بستانها الحروف فتخرج كلماتها معطره بعبير خاص بها رقيقه أنيقه وكأنها مغزوله بورود وضياء ساكن في أحشائها فاتنه هي بكل شيء فيها وخصوصا عقلها ذاك العقل الذى يحتفظ بتوهج وذكاء وكأنها لم تمر عليها السنين تلو السنين حتى قاربت السبعين--وصُغت عندما سمعتها وهي تقول إسمع منى إذا أردت ان تتعلم الحكمة فلا تجلس فى مجالس الرجال.. فإن الحكمة الحقيقية فى عقول النساء فهنَّ يُدبرنَ لكل أمر عظيم يدبرنَ للأمر بهدوء إنسياب الماء فى الجداول والأنهار بين الجبال وفى السهول وفى قلب الصحراء- لافرق الى أين يسير الماء --بل المهم كيف يسير ويشق له الطريق ويجد له مكان--- فالماء مثل بسمات النساء يفتت أقوى الأحجار ويشق الأرض بدون صخب وغيرهم بالمعاول يَضْرِبُ الضرب الشديد ولايفتت غير تراب وهكذا هم الرجال يصرخون بأعلى الأصوات بدون أفعال فللرجال أصوات تقرع كالطبول أصواتهم عالية وقد يصيبوك بالصمم ولا يفعلون إلا القليل.. .. (والنساء) برقة بسماتهن يذيلون من على الأرض الجبال

الفصل الرابع

تدفق بحر الكلمات

يا محسن إجلس هنا وسوف أحكى لك كل أسرارهم.. إجلس هنا وسوف تعرف اخبارهم من فيهم العاشق ومن فيهم القاتل --ومن فيهم من يظن أنه أب وهو عاقر إجلس إليا يا محسن فأنت الغالى ابن الغالى فأنا أنتظرك منذ سنين طويله لتجلس هنا وتسمع منى ---تعالى الى هنا وانا سوف أحكى كل مافى صدرى فتلك الكلمات المحبوسه منذ زمان بعيد تكاد ان تقتلنى فأنا بينهم من سبعين عام أسمع ولا أتكلم أسمع لضجيج أصواتهم وقليل أفعالهم . أسمع لخُبثهم وتراويل صلواتهم وكأنهم حقا يُصلّون



فهم يرددون الكلمات التى تجرى على اللسان بدون تدبر فهم
ليس لهم قلب ولهذا اقول لك أعلم أن ضياع الوقت حقا أن
تنتظر الحكمة من هؤلاء الرجال فهذا الذى يدعى أنه الخال
الكبير ويوزع الحكمة شمال ويمين ذو المهابة المصطنعه
(((إنه عاشق*** فإذا أردت أن تعرف ماذا يصنع العشق
بالرجال فنظر إليه إن أتت تلك المرأة التى فى قلبه سكنت...
فتجد العقل منه قد ذهب ولها أصبح تابع --ونسى مجالس
الرجال وأصبح لايهمه ما قد يقال -- فقط يتمنى رضاها أو
بسمه من عيونها أو كلمة حلوة تجبر فيه القلب الولهان عندها
فقط يهدأ ----- وهذا ليس عيبا فالعشق بلاء...-----
----- (ولكن العيب ان يعظ بغير مافى قلبه)

ويلوم الولد على عشقه وجنون عقله بمن يعشق (فكنت أستمع لها وهى تتكلم والعجيب ان الكلام ينساب منها كما ينساب الماء من أعالي الجبال يتدفق ينهمر بصوته العذب الذى يروى الظمآن فكانت الكلمات منها تسكن القلب قبل العقل وظلت تتكلم وتتكلم ولم أدرى كيف ومتى ذهب الوقت حتى وجدتها تقول خذ بيدى حتى أقوم من مجلسى وضغنى برفق على سريرى وأغلق من ورائك النور فانا استعد لحياة القبور وغدا ان شاء الله اكمل لك حكايات عمرى مع ناقصى العقل من الرجال () وتبسمت وأغمضت عيونها وهى ترددها ناقصى العقل () وحينها أنا عنها ذهبت بأمل اللقاء فى الغد -- وكلى شوق الى ما سوف اسمعه منها فحديثها له هذا الرونق الذى يجعل قلبك يشتاق -- الذى يعلمك السهر كالعشاق (ياه وآه منك يا جدتى من أنتى وأين الغد الذى سوف يأتى فيكون معى اللقاء



الفصل الخامس

انتظار الفجر واللقاء الثانى

يا للعجب فلأول مره فى حياتى انتظر الفجر وشروق الشمس لكى أكون بين يديها لكى أسمع منها كلماتها الرائعه وكأنها مغزولة بإتقان ولأنظر إليها عندما تغمض عيونها وهى تبتسم لأرى منها حبات اللؤلؤ الذى يزين قمها البسام واردد سؤال دائم التكرار بينى وبين نفسى كيف لها أن تحتفظ بأسنانها وجمال عقلها؟ وذاك الوجه الصبوح المشرق على الدوام... وأخيرا هل الصباح بأنواره البهيه فأسرعت الى مجلسها ووجدتها تصنع لنفسها فنجان قهوتها الغريبه فتلك القهوة لها رائحة ذكيه وكأنها تدعوك إليها لتشرب منها ولكن طعمها مر مرار ليس له مثيل لايتحملة من هم مثلى الذين لا يشربون إلا الشاي

. وأحيانا يشربون القهوة بسكر زياده ليست كاتلك القهوة العجيبه فى رائحتها وطعمها فعندما جلست معها أول مره قالت لى تشرب قهوة معى فقلت أشرب --فتبسمت وقدمت لى فنجانها فعجبنى جدا برائحته الذكيه ولكن عندما تذوقته رددته إليها وقلت ما هذا يا جدتى أتلک قهوة ام مر المرار -- ومن بعدها إذا قالت لى تشرب قهوة أقول لا يا جدتى فأنا من عشاق الشاى وليست للقهوة عندى مكان فأجدها تبسم وتقول انتم هكذا يشباب تلك الأيام لاتتحملون المرار.. (وتريدون ان تتذوقوا الجمال اريد منك أن تتمهل وأنت تشرب فنجان قهوتى وتتحمل منها المرار فى أولها وبعدها ستجد عشق لها لن تنساه فى مقتبل الأيام فقلت لها يا جدتى سيبيك من القهوة ومرارها وجمالها

وحكى لى عن أيامك وجمال أحلامك وكأنى قلت لها شيء كانت تنتظره.. فعدلت فى جلستها وبدأت تحكى لى حكاياتها



الفصل السادس

الحكاية الأولى

زواجها بمكيد

قالت 9 سوف أحكى لك كيف تزوجت من حب عمرى وقبله
لم أكن أعرف الحب فهو أول حب فى حياتى وبعده لم أعرف
غيره حب من الرجال ----

فقلت لها 9 ها أنا استمع لكى -- فاحكى لى يا جدتى

فقالت لى 9 لما كان عندى أربعناشر سنه و بدأت تتفتح
وريقات الجسد صدر يعلو ليرسم أشكال الهضاب الرقيقه
وأرداف تحت خصر مثل الكعكه يعلن عن آنسه جميله بجمالها
لفتت الأنظار يومها سمعت أولى كلمات الغزل من هذا
الرجل الذى بكلماته الرقيقه سكن قلبى

وكان يتورد خدى من الكسوف كلما قال كلماته الجميله وكان
يدق القلب كلما اقترب منى وكأنه يعلن ان القادم أجمل فأحببت
ان اسمع منه الكلمات وبدأ يهيم القلب بلنظرات وتعلمت
الأشواق ولكنى لأستطيع الكلام فكنت اسمع ولا أتكلم -- فلم
يكن عندى كلام

وكنْتُ فى تلك الأيام أعمل عندهم فى الحقل وهذا حال معظم
أهل البلد -- صبيان وبنات نساء ورجال لا عمل لهم إلا فى تلك
الأراضى الشاسعه التى يمتلكها هو وأسرته كل يوم كان يأتى
ليشرف على العمل ويسأل الخولى عنا (الخولى هو المشرف
على العمال) حتى فى يوم وجدته ينادى عليا من بين البنات
إنتصار تعالى يا إنتصار

فذهبت مسرعه فكنت خفيفة الحركه صغيرة الجسد لست
بالنحيفه ولست بالسمينه فقال إنتى من اليوم هتكونى مسؤوله
عن شرب الأنفار بس



متشتغلش فى الشمس تانى--- إالى زيك مايشتغلش فى
الشمس ونادى على الخولى ونبه عليه إن الميه مسؤوليتى
عليكى ان تاتى لهم بالماء فقط وبعدها تجلسى تحت الشجره
طبعاً دى أمنية أى بنت عمل خفيف وله نفس الأجر حتى
عرفت السبب عندما مال عليها وهو بيكلمنى وقبلنى من شفىفى
قبله سريعه لامست القلب منى وتلك كانت اول قبله فى حياتى
ويومها وقفت وكأنى إتجمدت مكانى ومكنتش عارفه إزاي
أتصرف ومن كسوفى وخوفى بقيت واقفه لا قدره أتحرك ولا
عارفه أتكلم وكأن لسانى أصابه الخرص والكلام وقف فى
زورى وحسيت بعطش شديد كنت عاوزه أشرب أو أتكلم بس
لنا قادره على الكلام ولا طايله ميه اشرب وبقيت كده متجمده
مكانى حتى أحس بخجل ففصرف وهو يقول كلمات لم اسمعها
منه قبل ذلك كلمات تخليك تطير من الفرحة إنتى جميله يابت
وطعم شفيفك حلو كمان

ولكنى انا الواقفه العاجزه عن الحركه وفضلت وقفه محتارة
 بعد إنصرافه حجات كنير حصلت فى مخى بقيت أقول لنفسى
 أتكلم ولا اسكت ولو إتكلمت هتكلم مع مين ولمين أقول وأحكى
 - لحظات رهيبه جميله --لحظات بالعُمر كله --مكنتش شافيه
 أى حد قريب منى --الدنيا كلها بقت فاضيه الكل بعيد بس بعد
 كدا عرفت ان البت نجاه شافت كل حاجه انا مكنتش شيفاهها
 بس هى شافت إزاي وقف جانبى وإزاي كان بيتكلم معايا
 وشويه شويه كان بيقترب منى لحد ما بسنى بوسه لم انساهها
 طول العمر (وإزاي بعدها وقفت مبلمه حتى مشى من جنبى
 وبعد مامشى) جريت وانا خائفه -- وسعيده--- مكسوفه
 وفرحانه. من تلك البوسه وسعيده بأنه شاف إنى جميله وكنت
 قبل اليوم ده بسمع البنات وهى بتتكلم عن القبلات وإزاي هى
 لذيه وإزاي بتخلى الجسم يترعش ويرقص من السعاده وكنت
 بسمعهم وهم يقولون إنهم يريدون منها المزيد ويبتسمون
 ويغمزون وانا واقفه لا فهمه كلامهم



ولا عارفه هما بيتكلموا على ايه بس كنت بضحك على ضحكهم وسعيده لسعادتهم ولكن بعد تلك القبله عرفت الفرق بين الإستماع الى من يتكلم عن القبله وجمالها شيء.. والإحساس بالقبله وشفاه تلمس خدك وشفيفك وكلمات تصل الى أذنك تقول إنك جميله شيء تانى خالص فما بالك بقبله على شفيفك وكلمات غزل تقول إنك جميله ويقبلك لإنك جميله شيء آخر.. آه يانى ماعلينا المهممن كسوفى وخوفى جريت وأخذت فى وشى وانا مش عارفه رايحه على فين وبقيت أجرى وانا مش عارفه بجرى ليه جريت وأنا ببكى جريت وانا مش عارفه سبب للبكاء لأنى كنت سعيده بالقبله))وكنت بسأل نفسى هل بكائى خوف ولا بكائى سعادته-حتى تعبت من البكاء ونمت وصحيت ليقت روحى فى البيت وفى المساجت نجاه الى بيتنا تسلم عليا ولما شافتنى لوحدى قالت لى إنها شافت كل حاجه وقالت أوعى تخافى منه هو بيعمل كدا مع كل البنات---

بس خلى بالك من نفسك ومتفرحيش باللى عمله وإوعى تقفى
معاه تانى لوحدك علشان ميذودش تانى عن كدا--- فهمانى ولا
لأ وضحكتْ ومشييتْ وأنا هموت من جوايا من عدم فهمى لكلام
نجاهة ومن شوقى لقبله جديده ومن خوفى إنه يقبلنى تانى
وكلمة نجاهة أوعى يذود عن كده -- هو ممكن يعمل إيه زياده
بجد مكنتش عارفه حجات كثيره من اللخبطة حصلت لى فتعبت
قوى وجاتنى حمى -- فأنا كنت خايفه وسعيده --ميتة وحية فى
نفس الوقت وبقيت على الحالة دى أيام الحمى مسكانى مش
عاوزة تسيبنى ولهب ساكن جسمى كله وكأن الشمس تركت
السماء وسكنت عندى وأمى وأبى خائفون عليا ويأتون بمن
يمرضنى حتى هدأت نفسى وهدأت حرارة جسمى وبدأت
أعرف اللى حوليا لقيت الكل واقف حولى يدعوا لى بالشفاء
--بس كان الخوف ملينى خوف من أشياء كثيرة -خوف إنى
أكون خرفت من الحمى وقلت اللى حصل --وخوف لما أطيب
ارجع للشغل تانى--وكنت خايفه لما أرجع للشغل تانى إنى أقابله
ويبوسنى تانى بس بينى وبين نفسى كنت بتمنى أرجع للشغل
تانى واشوفه وأسمع منه كلامه الجميل وبسمة فى عينه كانت
بتخلى عيونه جميلة--حيرة



ومن خوفى عملت إني مريضه وفضلت فى البيت ولم أذهب
الى الشغل عندهم فى الغيط ولكن لأبد من العمل وما العمل ؟
خمسة عشر يوما وانا فى البيت بين مريضه ومتمارضه خائفه
من العوده الى العمل فيعاود تقبيلى كما اتمنى --وكلام نجاه
انه بيعمل كدا مع كل البنات خلانى خافه اكثر

كنت وحيدى لا عارفه أقول لحد بلى حصل ولا عارفه هتصرف
إزاي مع كامل بيه لو باسنى تانى بس البت نجاه جت بالليل
بعد صلاة العشاء جت تسلم عليا [نجاه هى اكبر منى فى السن
--يمكن كان عندها عشرين او اكثر شويه هى لا جميله ولا
وحشه عاديه يعنى... ' لما جت وشفتنى لوحدى --سألتنى انتى
ليه مش عاوزى ترجعى للشغل --وقبل منطلق قالت انا عارفه
انك خافه بس انا هقول لكى تعملى ايه وسمعتها بتتكلم بكلام
مكنتش فاهمه كتير منه فأنا يدوب لسه دخله عالم الأنوثة كما
يقولون..

زمان البنت كانت بتتزوج فى تلك السن لو كانت جميله
أو بنت ناس مبسوطين...جسمى حلو آه بس مكنتش عرفه
عنه حاجه..كانت تتكلم عن جمالى وجسمى كل ده وانا بسمع
ليها وبنصت لكل حرف فأنا عوزاها متبطلش كلام وأن تتكلم
بالمزيد فكلامها كأنه نهر يصب ماء رقراق تشتتليه النفس
فكنت لا أريد لها ان تسكت بل تحكى وتحكى ** فهى تتكلم عن
جمال جسمى فقلت لها أكملى --ماذا قالت نجاه --وبماذا
نصحتك ..



الفصل السابع

تكملة الحكاية الأولى

قالت لى متروحيش للشغل بكرة كمان خليكى مريضه
كمان يومين أوحى اسبوع. وبعدها هتبقى صاحبة البيت
والغيط كله.. ففتحت فمى من الدهشه وعدم الفهم إزاي أبقي
انا صاحبة الغيط وكمان البيت -- إنتى بتقولى إيه يانجاة؟؟؟؟
زى مابقول لكى كدا -- متروحيش الشغل كمان يومين

..

وياريت متخرجيش من البيت غير وإنتى أبهه -- وعلى سنجة
عشره ولو حببتي تمشى وإنتى لبسه الجميل اللى عندك عدى
ناحية بيته* طيب أسكتى أمى رجعت خلاص.. أهلا يانجاة
شوفتى إنتصار تعبانه إزاي.

وده حال المحبين مش اصحاب أرض بيظمنوا على عبيد
عندهم شغالين بعد ما روحت نجاه لقيت أمى بتقول انتى
تعبانه متروحيش شغل الغيط كمان يومين ودى كانت نصيحة
نجاه-- هما يومين وبعدها كان كامل بيه بيخط علينا الباب
--وبيطلب الزواج منى وأبى غير مصدق-وأمى طاييره من
الفرح وأنا بينهم فى حيره لا عرفه أفرح ولا أجرى ولا حتى
عارفه أقول حاجه عن اللى جوايه كانت ليله معرفتش انام
فيها من فرحتى بس الجميل والعجيب ان نجاه الصغيره فى
السن فهمت وعرفت ان الحب فى قلب كامل ليا كبير وأنه باقى
عليا وإنه مش عارف يستغنا عنى فخططت لزواجى من كامل
مع امى وتم زى ماهى قالت بالظبط --ومن بعدها اصبحت انا
ونجاه لانفترق ابدأ كأنها اختى بل أعز من أختى لحد ما إختفت
فجنه من البلد وماحدث عارف هى راحت فين ولا إيه اللى
حصل ليها مكش حد عارف اللى حصل لنجاه ساعتها فى البلد
إلا انا لأنى كنت عارفه انها هتهج

وهتسيب البلد بس اللى مكنتش عرفاه هى ليه مشيت من غير
 ماتقول لى -- بس عرفت بعد كدا السبب -- ودى بقى لما أحكى
 لك حكاية نجاة الحكاية الكبيره بتعتها والحكاية دى فضلت
 معايا طول العمر هحكيها لك المهم بسبب نجاة إتعلت اول
 درس فى كيد النساء-- إزاي هما بيدبروا للشيء ويعملوا
 الحيل للوصول للى عوزينه فبسببها إتزوجت من كامل وده
 عمل قلبان فى البلد بنت الغلبان تتجوز من كامل بيه معقول
 طيب إزاي هو كامل اتجنن لما يسبب بنت فلان وفلان ويتجوز
 إنتصار -- إنتصار بنت أربعناشر سنه وكامل عنده خمسه
 وثلاثون سنه إزاي ده يحصل وأزاي ابوها يوافق وبقى الكلام
 كثير فى البلد اللى يقول دول طبعا طمعانين فى ارضه ولى
 يقول اصله بيتستر عليها ووو كلام كثير بس نجاة كانت جنبى
 كأنها الحارس ليا منهم تعلمنى وتعرفنى إزاي اكسب حب اللى
 حواليا -- وكنت بتعجب من اللى بتعمله نجاة معايا وليه بتعمل
 معايا كدا لحد معرفت بعدها بسنين السبب --



المهم بسبب جوازي من كامل عرفت أعيان بلدنا والبلاد اللى
حوالينا.. ولكل واحد فيهم حكاية بس كان لازم اسمع واسكت
مش ممكن أتكلم.. كنت أسمع منهم بنفسى وهما سهرانيين
عندنا فى المندره او لما كان بيحكى لى كامل عن اللى عملوه
لو كانوا سهرانيين بره وهب سكتت مره واحده ولقيتها بتقول
واد يامحسن إنت يا ولا أنا تعبت قوى من الكلام وتعبت من
طول القعه ظهري تعبني يلا أمشى هو إنت مش بتزهق ليه
يلا إمشى وبكره نكمل انشاء الله -

أمرك يا جدتى انا ماشى بس على فكرة انا مش هطفى النور
ورايأ زى ما بتحبنى وبتقولى أنك بتحبنى حياة القبور فأنتى
لازم تعيشى علشان تحكى لى تاريخك وكل حكاياتك --إسمع
ياواد إنت إالى بقوله يتسمع بدون نقاش طفى النور تطفى
النور.. انا بحب الظلام لأنى فيه بحس بهدوء وسكينه طول ما
النور منور بيزعجونى هؤلاء الأغبياء طلباتهم مش بتخلص
ومش بيبطلوا كلام طول ما النور منور

ومفیش حد معایا بیبقوا عاملین زى الدبان حوالیا فى كل مكان
 ينقلوا كل الأخبار ويعرفونى كل اللى حصل فى البلد لكن اول
 ما النور يطفى الكل لازم یسكت ویبعد انا منبهه علیهم بكدا
 لأنه لازم نومی يكون فى هدوء علشان كدا بقول تطفى
 النور... أمرک یاجدتی بس ممكن أدلّعک لأنک اصغر منى
 فى السن شوفى سنانى وقعه أزاى شوفى عقلی تايه إزاى أما
 إنتی بسم الله علیکی یا إنتصار..من بکره متجیش هنا تانى دا
 كامل بجلالة قدره مکنش بیقول غیر یاهاثم تیجى انت
 یامفعوص تقول إنتصار کدا على طول --طبعاً لا ویلا إمشى
 ولا مش عاوز تسمع باقى الحکایه..
 لا انا ماشى وهسکت خالص بس بکره أسمع منك حکایة نجاة
 وإزاى وحده فى سنھا تعمل كل اللى بتقولی علیه وإزاى
 إختفت --أکید دى حکایة جامده قوى سلام یا نصورة
 شوفى یاختی الواد --ماشى بس لما تیجى بکره شوف انا هعمل
 ایه



الفصل الثامن

الشوق للصباح

ياه معقول جدتى أنتصار دى حقيقه بينا ياه هو ليه الليل
أصبح طويل والنهار قصير .دا أنا من شهر كنت بتمنى الليل
يطول شويه علشان أشوف روح القلب سعديه ويدوب يبدأ
القلب همسه ويعلى نبضه وهو فرحان من لقائه مع حبيبة
القلب ومن نظراته لعيونها ويادوب أسألها سؤال وأتحايل
عليها علشان ترد ولو بكلمه على همس القلب وأبقى منتظر
ومنتظر حتى تنظر لى بكسوف جميل من عيونها ويا دوب
هترد على همسى ألقى الفجر وقد أتى بجلاله وبإشراقات
انواره --ونسمع صوت المؤذن الله اكبر --فننصرف قبل ما
أسمع منها حرف فننصرف والشوق مالى القلب بوعد بلقاء
جديد والعجيب والغريب ان سعديه بتدرس فى الإعلام يعنى
شغلتها الكلام

ولكن معى تقول إنها بتهرب منها الكلمات وبتحب بس تسمع
منى --فكنت اردد كلمات اغنية لفريد الأطرش بتقول وطلعت
يافجر بدرى مش كنت تستنه شويه ياه وها انا اليوم فى
الإنظار بكل الشوق لإشراقات الفجر بأنواره حتى أذهب اليها
فى الصباح أذهب لتلك الأعجوبة ستى إنتصار التى شغلتنى
عن حبيبة القلب سعدية فجدتى انتصار تلك الحالة الفريده التى
يجب ان يُكتب عنها فى تاريخ الأساطير-- فهى التى قلبت
موازين الزمن وعلمتنى النسبيه ومعناها (فعندما أكون عندها
يسافر النهار سريعا وكأنه على عجل من أمره وفى لمحات
أجده قد رحل عنا وعندها لابد وأن أرحل معه كما رحل --ثم
أنتظر ذهاب الليل عنا والليل يطول وكأنه تعلم السهر او عجبه
دقات القلب شوقا للصباح المنتظر)) آه فينك ياسعديه آه منك
أين أنتى الآن ها هو الليل قد اصبح طويل فى غيابك والشوق
للصباح جارف من أجل لقاء جدتى إنتصار--فلا أنتى هنا حتى
نتسامر بهمسات العيون فى هذا الليل الطويل ولا الفجر يريد
أن يتعجل فى القدوم كما كان يفعل عندما تكونين معى- حيره
-واد يا محسن



- أيوه ياماما

إنت إيه اللى مسهرك لحد دلوقتى وطول النهار مش شيفاك
إنت ياولا بتروح فين أبوك إمبراح قعد يزعق ويقول الواد بطل
يروح الغيط ومش مع أصحابه انت يواد بتروح فين..
يعنى هروح فين قلت أتمشى شويه كدا لوحدى
إنت هتكذب عليا إنت رocht عند جدتك إنتصار صح من يوم
مانادت عليك وانت بتروح عندها أصلها عامله زى النداهه
اللى بتاخذ الرجاله لأعماق البحر واللى بيروح تانى مبيرجعش
هى كدا طول عمرها نداهه وآه آه منك يا إنتصارأنا عارفه إنك
مش راجع تانى من عندها أيوه يا امى صح أنا بروح عندها
هناك وانا مش عارف إنتوا بتزعلوا ليه لما بروح هناك
وبتقولوا عليها دى ست جامده وبتخرف ولما كلمتها لقيتها
أعقل وحده فى البلد..

والله يا أمى لو جلستى معاها وكلمتيها وسمعتى منها لتهتبقى
حكيمة زمانك مثلها إسمع إنت ياواد لو أبوك سأل عليك تانى
هقول انك بتروح عند أنتصار.. وشوف إيه إالى
هيحصلك ..

هو أبويا ليه بيخاف إنى أروح عنده نصوره
هههه نصوره وإنت بدلعهها كمان عوض عليا يارب فى عقل
الواد

بس بجد قولى هو أبويا ليه بيخاف من إنى أروح عندها
وأنا إيه عرفنى أسأل أبوك --هو خايف منها ليهلاً متشكر
ياست الكل انا لا سائل ولا قايل أكيد هى من نفسها هتحكى
حكاية أبويا من ضمن حكايات البلدهى بتقول لك ايه يامحسن
وبتتكلما فى ايه..



بلاش تعرفى هى بتحكى على ايه وكدا كدا الفجر هياذن قومی
نصلی ونفطر علشان أنام شويه قبل الحج مايصحى ويخذنى
معاه السوق والغيط وميخلنیش اروح لنصوره
تانى يامحسن نصوره --هى بتسحر يا ولا ---الرجاله بتخاف
منها والواد بيدلعها استر يارب استر من إلیى جای --

قوم نصلی قوم

يافتحیه يافتحیه نعم يا أبو محسن انا هنا أهوه هو فین
محسن نايم ياخويا جوه نايم دلوع امه أوميه يلا ورانا سوق
وفيه شغل كتير فى الغيط ياخويا سيبيه نايم دا كان سهران
لوش الفجر وصى وناموهوان شاء الله كان سهران ليه
بيذاكر ولا بيحضر الدكتوراه

آه بيحضر الدكتوراه فى بتاع ده اسمه إيه يادى النيله قالى
على اسمه. آه حكاية جدتى للأدب الشعبى وحياة أمه حكايات
جدته -- أنا بقى هوريه الحكايات إالى بجد يافتحيه إبنك لسه
يادوب مخلص الكليه وعلشان يحضر الدكتوراه لسه قدامه
كتير يا وليه قلت لك الف مره شغلى مخك الواد بيضحك
عليكى---

وهو هيضحك عليا ليه هو قال كدا ونى هكذب ابنى ولا هو
هيكذب عليا لا يختى كدبيني انا... بعيد الشر عليك ياخويا من
الكذب طيب هو كان فين أمبارح طول النهار من غير كذب
إنتى لسه بتقولى بعيد الشر عنك من الكذب سمعه كان فين كان
عند إنتصار بيقول انها بتحكى ليه عن زمان وهو ده اللى
هيكته فى كتابه سنت أبوه سوده هيسمع من إنتصار وهيكته
إلى بتقوله إوعى انا داخل أصحيه وأشوف يومه إالى مش
هيعدى عليه بخير -- إنت يا ولا -- إنت يازفت ياخويا الواد فى
سابع نومه سيبيه



ولما يصحى انا هقول له ميرحش هناك والنبي علشان خاطر
النبي تسيبه... والله الواد ده مهو نافع وبكره تقولى جمال
قال بعيد الشر والله العظيم الواد كل زميله بيقولوا عليه
شاطر وبيطلع من الأوائل وأهو أخرج وهو الأولانى عليهم
كلهم انت الوحيد إالى شيفه كدا يا جمال... سيبك من ده كله يا
خويا يلا علشان تفطر الفطار جاهز من بدرى--وانت بتتعب
قوى يلا كل بالهنا--أمى يا أمى هو ابويا مشى على السوق هو
إنت ياواد صاحى ونى فكراك نايم طيب ماقتش ليه إنت
هتودى أمك فى دهايه بسببك---سيبك إنتى يا قمر والله عجبنى
ردك ودفاعك عنى وانا والله يا أمى فاضلى دبلومه أخلصها
وأتعين فى الجامعه--وأبقى دكتور كمان قد الدنيا بس بقولك
إيه ياتوحوه ما تدلعى على أبويا كدا وسأليه ليه هو بيخاف من
إنتصار

أنا عرفه إنت عاوز تطلقتى من أبوك بعد العمر ده كله الف بعيد الشر ياقرهى كدا كدا هتحدى وهعرف منها سلام رايح فين يبنى بلاش تروح عندها أبوك بيتعفرت من سيرة ستك ومحلفنى لو رحت هناك اقول له قولى له انا مش ممكن أتأخر عليها ---وبعدين النهارده انا قررت اشرب من قهوتها يعنى لازم أروح وهى بتعملها أصلها بتشربها مره واحده فى اليوم سلام

يا محسن يا محسن --شوفوا الواد ما بيردش عليا هى عملت للوله سحر زى باقى الرجاله إيه المصيبه دى هما الرجاله بيخافوا منها ليه لازم أخلى محسن يحكىلى هى بتقول له إيه وبتخوف بيه الرجاله -الله يسمحك يبنى انت وابو كهتجننوني ((يعنى يافتحيه إنتى مش عارفه هى مخوفه الكل من أيه رجاله وستات



وانتى كمان خايفه منها ليه نسيته يافتحيه ولا فاكهه ان الكل
ناسى -- عيطى عيطى على نفسك وحالك هو انتى وراكى غير
العياط -- من يوم الليله المشؤومه وانتى بتعيطى وجمال إتغير
-- بس جمال نسى هو انتى بتصبرى روحك ولا بتضحكى على
نفسك جمال ينسى إزاي -- يادى المصيبه لو حكى للواد
وعرفته -- لألأ مش معقول تقول له -- صبرى نفسك لحد ما
المصيبه تقع -- طمنى نفسك وضحكى عليها -- يالهوى لأ لازم
يكون فيه حل -- لازم تسكت خالص لازم تسكت -- وهتسكت بقى
إزاي قولى لنفسك فكرى -- ولا شورى جوده فى الموضوع
ماهو أمين السر بتاعك جوده حبيب قلبى -- يالهوى انا بقول
ايه أعوز بالله من الشيطان الرجيم -- لأ أنا مش لازم اقعد
لوحدى وكلم نفسى لازم حل لازم تسكت إنتصار

الفصل التاسع

حكاية نجاة

صباح الخير يا نصوره إسمع ياولا إنت أنا مش بستحمل حد ومفيش حد يدلبنى بعد ابويا كامل ممكن أشرب قهوة من إيدك هتتحمل مررها... آه مش إنتى قولتى المرار فى أولها وبعد كدا عشق لجمالها بس إستنى هنا الأول قولى إيه اخبار البت سعيده يلهوى ياستى إيه إالى عرفك حكاية سعيده ياخايب أنا عرفه كل حاجه وبيجينى كل أخبار البلد وكمان لما ابوك زعق علشان بتيجى هنا --والراجل ناسى انه هو اللى دخلك عندى بأمر منى هو أبويا ليه فى حكاياتك حكاية ههههه أبوك أصل من أصول الحكاياه تحب تسمعها لأ أنا عاوز أعرف حكاية نجاة ---



و إختفت إزاي وليه متجوزتش زيك وأنتى قولتى إن مخها
يوزن بلد --لأ يا محسن بلاش سيرة نجاة --دى حته من
قلبى،أوعدك مفيش مخلوق هيعرف كلمه من إالى هتقوليه
هنابس إحكلى لإنى حاسس ان نجاة هية اصل كل الحكايه وده
ممکن يكون سبب إختفائها ---إسكت متفكرنيش... نجاة دى
هية صحيح مكنتش جميله زى كتير من البنات ولكنها كانت
أجملهم بعقلها الكبير قوى البت دى لو كانت فى حته تانيه غير
بلدنا كانت بقى ليها شأن كبير لكن الفقر بياكل الناس الغلابه
و بيضيعهم بيخليهم تحت رجول الناس الأغنيا لازم يقولوا
حاضر وبس بيبقوا شايفين وعارفين ومش قادرين يتكلموا
بيتهانوا وبيعلموا روحهم مش وخدين بالهم علشان لقمة
العيش خايفين على لقمة متغمسه ذل ومهانة مش قادرين
يقولوا لأ ودى كانت غلطتها قالت لأ وألف لأ... فى يوم نسيت
نفسها وتكلمت كانت فاكهه انهم هيدوها لو هددتهم
وهيشولوها من الفقر قدام إالى دفعته...

وهى دفعت كثير قوى دفعت كرامتها ومقدرتش تقول يومها لأ ولما حبت تقول لأ كانت هى المره الوحيده إلى حسبتها غلط ودفعت حياتها ((على العموم انا هحكى حكيثها من الأول شوف نجاه حصل ليها إلى حصلى مع صاحب أرض من الأغنيا كان كل يوم يكلمها بكلام حلو وإنه هيتجوزها بس معلش تستحمل شويه وملا رسها لحد محصل إلى حصل معاها وطبعا لا إتكلمت ولا قالت لحد ولا كان فيه حد واقف جنبها وبقت المطيه ليه كل يوم معاها ويادوب يدفع ليها أجره يوميتها يدوب حق اليوميه ومكنش حد يعرف إلى حصل المهم فى يوم طلبها الواد عبوده بن حسين للجواز كان جارهم وفقير زيها بس واد جدع وابن ناس طيبه ويومها بدل مايبقى فيه فرح قلب بحزن وكانت هتموت نفسها وراحت المستشفى وهناك قابلت دكتور ابن ناس ولما حكت له على مصيبتها طمنها وقال لأهلها بنتكم عندها صدمه عصبيه من الجواز ولو إتجوزت هتموت نفسها فسيبوها تاخذ وقتها ولما رجعت البلد الكل عرف انها بتتجنن من سيرة الجواز فمفيش حد طلب إيدها تانى أبدا



وفضلت على كذا قدام الناس بنت بنوت وبينها وبين هاشم مراته بدون عقد علشان كذا أول ماشافت إالى حصل معايا جت تجرى عليا ونبهتني وقالت المشكله مش فى البوسه المشكله فى اللى جاى ودبرت حكاية جوازى قبل ما المصيبه تحصل زى محصل معاها وبقت بتخاف على كل بنات البلد يعنى تقول هى الحارس لكل بنات البلد --وبعد شويه اتجوز هاشم بنت شيخ البلد وهما زى بعض أصحاب طين وفلوس وساب نجاه عايشه مع مصيبتها لا قدره تقول ولا قادره تبعد عنه وهو إعتبرها متعته فى السر بس بتقول انه طلع كريم ومكشف سرها وداها فلوس كتير وكان بيديها كل ماتعوز فلوس وساعد أبوها فى بنا البيت بتاعه وعاشت تعرف كتير ومره جت عندى بتعريض بتقول انها هتموت نفسها فضلت معاها لحد معرفت كل اللى حكتهولك ده وكنت أول مره أسمعها منها وأنا كنت سمعت انها مجنونه لو حد جاب سيرة الجواز ليها وأخير عرفت السبب --المهم صبرتها وقلت ليها بلاش كفر

وأول مره أحس إنى كبيره وبنصح) ونجاة هى إلى بتتنصح
وبتسمع كلامى --المهم فضل السر ده بينا وهى بقت تنتقل من
دار لدار ومن شغل لشغل وعرفت الكثير من اسرار البيوت
--وفى يوم جت زى مابتيجى وقالت انا عاوزة أقابل جابر أبو
زينهم لما يجيى لكامل تكلميه وتقولى له أنا عاوزة أكلمه هنا
لوحدته بعيد عن المجلس قلت ليها إزاي وهو كامل هيرضى
يخليه يخش هنا لوحدته إزاي يعنى هيوافق وإنى عارفه كامل
بيغير عليا قوى

قالت انا طول عمرى وأنا معاكى وبخاف عليكى وحسه إنك
إختى إتصرفى مع كامل وشوفى طريقه وحلفى كامل بأغلا
حاجه عنده ابراهيم إبنك وهو هيوافق انا عرفه انه هيوافق
--المهم ده حصل وقبلت جابر وسمعت زعيق بينهم وخرج
غضبان ومشى على طول من غير مايخش تانى على المجلس
--وكامل سمع صوته سأل عليه قلت له مشى قال طيب
ومتكلمش --المهم خرجت نجاة



وهى بتعيط فضلت معاها لحد ما حكّت إلى حصل -- وعرفت ان جابر يعرف واحده غير مراته وهى متجوزه واحد من أعيان البلد وكانوا بيتقبلوا فى خص فى الغيط وهناك نجاة شافته فنجاة طلبت فلوس منه وقالت له إنها هتقول على إلى عرفاه عنه وعن الست دى والكل عارف انها مجنونه يعنى الناس هتعرف ومفيش حد هيعمل ليها حاجه وهتبقى فضيحة ليك وليها وقالت انا قلت له انا عاوزة فلوس كتير علشان تسبب البلد -- وتعيش بعيد وتتجوز بعد ما سنها بقى فوق الثلاثين

تانى يوم جابر جاب فلوس ودهالى علشان أديها لنجاة وقال قولى لها ما يسمعش حسها تانى وإلا مش هيحصل ليها خير المهم جت وديتها الفلوس ولقيتها بتقول إنها عاوزة تقابل شيخ البلد لما يجيى هنا --- نادى عليه بس وهو هيسمع كلامك وأنا عارفه انه مايقدرش يقولك لأ -- أنا عارفه هو يسمع كلامك ويخاف منك قوى -- ولمحت بكلام انا عرفاه المهم طبعا قلت ليها لأ انا مش فتحه بيتى علشان تقبلى فيه الناس

وبعدين كامل هيقول إيه --قالت جوزك هيوافق متخفيش
لأن لا كامل ولاشيخ البلد هيقولوا لأ ليكى بصيت وسكت و
قلت لكامل فبص ليا وسكت وتانى يوم لقيت شيخ البلد جاى
بدرى عن ميعاد مجلسهم قبل صلاة العشا.. أصلهم بيصلوا
حاضر وبعدين يجوا يسهروا.. هههههه المهم شيخ البلد قابل
نجاه وخرج وبعدها خرجت نجاه وهى بتبتسم وفرحانه قوى
وقالت لما يجيب الفلوس بكره خليها معاكى وانا هجهز هدومى
علشان أهج من البلد.. فسألتها هو شيخ البلد عمل إيه ومسكاه
عليه قالت ابدأ أنا عارفه عنه كتير قتل مين وماشى مع مين
وآخر حاجه سمعته وهو بيتفق على قتل واحد من بلد
جنبنا علشان مش عاوز يبيع ارضه له ولا للعمده.. المهم
الراجل إتقتل فقلت فرصه أخلص القديم والجديد وقلت له انا
سمعت كا حاجه وعارفه إنه إتفق على قتل الراجل وعارفه
إنك مخبى السلاح فين ومين الى قتل وانا هسكت بس عاوزه
خمسماية جنيه وهسيب البلد وهمشى وغير كدا فيه كتير
عرفاه عنه وعن مراته فقلت ليها وهو وافق قالت طبعا غصب
عنه لازم يوافق



وكمأن أنا وعدته إنى هسيب البلد وهمشى ومش هيشوف
وشى تانى وفعل مشفناش وشها تانى..

قالوا إنها هربت وقالوا إنها أتجنت وراحت المستشفى فى
مصر.. بس إالى حيرنى إن شيخ البلد مجبش الفلوس وتانى
يوم كان فى المجلس عادى.. وأنا مش عارفه أتصرف ولا
أقول إيه وخيفه أسأل عنها ومش عارفه أسأل عنها مين وحتى
خايفه أسأل كامل وأنا عارفه إنه عارف كل أخبار البلد وكل
اللى بيحصل فيها لأنه له ناسه فى كل حته ومش بالساهل نجاه
تختفى وهو مايعرفش المهم كانت حاجه غريبه قوى إن مفيش
حد جاب سيرتها تانى فى البلد حتى أهلها مفيش حد سمع
منهم حاجه لحد بعد سنين طويله إتجرات وسألت كامل معقول
يايا كامل متعرفش حاجه عن نجاه بص وسكت وقال لسنها
طويل وداها فى داهيه...أهى غارت.. فقلت غارت ولا ماتت

..

-ممكن تسيبني دلوقتى قوم طفى النور وإقفل الباب وراك امرك
يانصوره انت ياواد متمشيش أنا عاوزاك أنا هنام شويه
وهصحى تانى- إوعى تمشى سامع أنا عاوزاك طيب هتعمليلي
قهوة تانى.. حاضر بس سبني انام حاضر أمرك يا جدى

الفصل العاشر

الصندوق

سأنتظر هنا لن أغادر مكانى حتى تصحو من نومها وتكمل حديثها فأنا فى شوق لحروفها وحكاياتها ولكن ماذا أفعل حتى تصحو بصورة بماذا أشغل وقتى هنا ؟ أحسن حاجه إنى أعمل بنفسى فنجان القهوة --يعنى هى بتعمل المستحيل -- دول شوية ميه فى الكنكة وتغلى وخلاص آدى السبرتايه والكنكه والفنجان فىن القهوة فىن هى معقول تكون مخبياها فى مكان أمين؟ ليه يعنى هى سر ولا إيه يعنى هى فىن ممكن تكون يامحسن فىن ؟

إنت بدور على إيه ؟ على القهوة نفسى اشرب منها فنجانوهو إنت هتعرف تعمل القهوة

القهوة لها طريقه وسر لاتبوح به لأحد --غير اللى يقدرها (يعنى القهوة كدا مثلك تحتاج الى فن لكى تقول سرها طيب بالعند هحاول أن أتعلم سرها --وأصنع لى ولكى أحلى فنجان



وبعين إنتى قلتى إنك هتنامى مهو إنت عامل وش حوليا مش
عرفه انام بسببك--

إسمع القهوة فى الدرج الكبير إالى على الصندوق المقفول فى
البطرمان الأسود خد منه معلقه واحده وبطل وش وخلينى
أنام شويه ولو جعان الأكل موجود عندك بس ياريت مسمعش
وش خالص فاهم عاوزه انام شويه حاضر أمرك ياجميل
شوفوا يولاد الولا--ماشى انا راسى وجعانى سبنى بقى شويه

~~~~~

آدى القهوة --بس هى الميه بتكون سخنه ولا برده بلاوجع  
دماغ أحسن حاجه أعمل شاي بعد الأكل وأسيب القهوة لحد  
ماتصحى نصوره تبقى تعملها لى بطريقتها وسرها----

بسم الله --

الله ايه ده الأكل ده طعم حلو قوى ومسكر هى كل حاجه عندها  
كدا مسكره وليها طعم مختلف..

هو فين الشاى فين الشاى- أكيد الشاى فى الدرج اللى فوق  
الصندوق زى القهوة ---ولا يمكن يكون الشاى فى الصندوق  
أشوف كدا --فينك يا شاى --إيه هو ده صندوق العجايب مليان  
حجات كتير قوى --يبقى مش معقول يكون الشاى هنا هو أكيد  
فى الدرج ---بس أيه ده وإيه الحجات دى كلها وإيه ده كمان  
دى صور كتير قوى كلها ابيض واسود--

مفيش صور ملونه-- بينى ماهى صور زمان كانت كلها كدا  
هو على أيامهم كانت فيه صور ألوان---- بس الصور دى  
بتاعة مين وهما كلهم شبه بعض انا عارف هما بيعرفوهم  
ازاى دى يادوب الملامح بتبان بالعافيه يلا وانا مالى بس ايه  
ده دى صورته تشبه أبويا قوى -- وإيه اللى هيجيب صورة  
لأبويا هنا -مش معقول ستى انتصار تكون شايله صورته له  
مين بيقلب فى الصندوق ---بتعمل ايه يامحسن أبدا يا جدى  
بدور على الشاى أصلى مش عارف أعمل قهوة تعالى هنا  
وسيب كل حاجه فى مكنها الشاى هنا أهوه وتعالى وانا هعمل  
لك القهوة



ویاریت متعلمش حاجه بدون إذن وعوزاك تعرف إنك إنت  
الوحيد إلی سمحت له إنك تقعد معايا وتکلمنی علشان لیک  
مكانه کبیره قوی اصلک انت ابن الغالی قوی قوی ولو  
عاوز تعرف حاجه إسألنی علیها وانا هجوبک لکن انک تقلب فی  
الصندوق لألاً -----

ملکش دعوه بحاجه مرکونه هنا طیب ممکن سؤال الأول یا  
نصوره

قول عاوز إیه ؟ لیه الصور دی کلها عندک ؟ صور إیه وانت  
کنت بتقلب فیها لیه ---؟؟

یلا روح یامحسن إفضل روح ومتجیش هنا تانی آسف  
یا جدتى مش هیحصل کدا تانی بقولک روح خلاص انا تعبانه  
ومش عاوزه أتکلم أنا جای بکره لأ متجیش هنا تانی -أنا مش  
بحب اللى یقلب فی ورقى بدون إذننى واللہ ما هتتکرر تانی انا  
کنت بدور على الشای طیب روح دلوقتى --یلا أخرج یلا

حاضر حاضر بس هاجی بکره ان شاء الله

## الفصل الحادى عشر

### حديثى مع أمى

مالك يامحسن فيه إيه بينى أبدا يا أمى --بس جدتى تعبانه  
ونامت وطلبت منى أروح يعنى أيه تعبانه هى دى بتتعب ولا  
بتموت حتى ليه يا أمى بتقولى كده --- والله دى طيبه قوى  
ههههه إنت إالى طيب يابنى---

جدتك أنتصار عامله زى الصندوق الأسود بتاع الطياره زى  
ماسمع بس بتاع الطياره بيدوروا عليه علشان يعرفوا  
الحقيقه ---والكل عاوز ستك تموت علشان يتحرروا من  
الحقيقه

إيه ياست الكل الكلام الكبير ده --

صندوق أسود ويتحرروا ليه هى ستى دى إيه مخبرات ولا  
إيه



دى أكثر بكتير سيبك من طيبتها إالى باينه على وشها دى  
 تعرف كل همسه فى البلد ومفیش راجل ولا ست تقدر تفتح  
 عينيها قدمها الكل أمامها صغير --الكل امامها لازم يسكت--  
 لأنه لو اتكلم بحرف هترد بستين حرف ياه هى الناس كانت  
 كلها وحشه يا أمى؟ لأ يابنى مش حكاية وحشه أو حلوه هما  
 كان تفكيرهم زمان إنهم لازم يعملوا اى حاجة علشان يفرضوا  
 السطوة والنفوذ كل عيله ((العيله هم من يشتركون فى لقب  
 واحد يدل عليهم ويميزهم "عاوزه يبقى ليها سطوة وعزوه  
 علشان كدا مكنوش بيهمهم شيء المهم يبقوا الأقوى لهم  
 هيبه الكل يخاف منهم فكانوا ممكن يعملوا المستحيل علشان  
 باقى الناس تخاف منهم وببيت جدك كامل كان هو البيت الكبير  
 فى البلد الكل بيجتمع عنده وبيتحكى فيه الحكايات وحتى لو  
 هيتأمرؤا على حد كان بيتقال هناك وهى كانت بتسمع كل ده  
 أصلها بتسمع زى الخفاش) كانت بتسمع كل حاجة وكانت  
 بتستغل الفرص وتلمح بالكلام فيتنفذ كل اللى عوزاه علشان  
 كدا أبوها الغلبان بقى صاحب طين وبيت كبير  
 بس الراجل والشهادة لله عمره ما أدى حد لاهو ولا مراته لحد  
 ماماتوا أنا سمعت عنهم كتير كانوا ناس طيبين ---وعرفت  
 انهم مكنوش عاوزين حاجة من بنتهم ولا راضيين عن اللى  
 عملته علشانهم بس كانت أوامر

وكامل بينفذ أوامرها بدون كلام معقول --والله ستي طيبه ولو  
إتكلمتى معاها هتحببها هههههه إتكلمت معاها وياريتنى ما  
اتكلمت جابت لى الخرس سنه كامله ياه معقول ليه يعنى  
..مره هزرت بالكلام معاها ونسيت نفسى شويه --قالت اللى  
كنت فاكراه انه مفيش حد يعرفه غيرى --خلتنى ماشيه  
ودموعى على خدى مش شايفه قدامى قالت لكى ايه قولى  
مفيش سبنى أبوك زمانه راجع ولسه هجز الأكل كفايه عليا  
أبوك متباقرش انت وأبوك وستك إنتصار بجد تعبت قوى منها  
طول عمرها زلانا ومخوفانا باللى تعرفه يسلام لو تموت ولا  
حتى حد يموتها الكل هيرتاح والله الكل هيرتاح



## الفصل الثانى عشر

### حيرة

إيه ده هو فيه إيه ومين الست الطيبة دى ولا الست الشريره دي ولا إيه الحكايه معقول فى وحده تكون بتجمع كل الصفات دى جواها --طيبة وشر --- طيب إزاي معقول فيه كدا--ست عايشه لوحدها جوزها مات وإبنها مات - وعندها طين وببيت كبير والغريبه ان اهل جوزها ماطلبوش حقهم فى الميراث من جوزها لأن أبنها مات وجوزها عايش --يعنى من حقهم الميراث يبقى إزاي مايطلبوش حقهم---وكمان لازم أسأل عن أبنها ---وهو إزاي مات لأ يا محسن بلاش ابنها معقول هتسئله عن إبنها وإزاي مات --كدا صعب قوى بس هى قالت إنها هتقول كل حاجه --آه هتقول إالى هى عوزاه بس أنا هسئله وهى حرة فى إن تقول أو لا--

ولو قالت يبقى الحكايه كدا عاوزه تسجيل يسجل كل حرف  
لان كلامها هيكون عامل زى برنامج شاهد على العصر--

بس ليه أمى زعلانه منها قوى كدا وإيه السر الخطير اللى فى  
حياة أمى ومش عوزه حد يعرفه لدرجة إنها ممكن تقتل ستى  
--يا معقول أمى تقتل مش ممكن طبعا أمى أطيب ست ممكن  
حد يعرفها --مهو إنت بتقول على ست عنها أطيب ست وهو  
إنت بتسمع منها وعليها حكايات غريبه وعجيبه

ممكن تكون أمى هيا كمان عنده حكايات مش معقول

-----

يامحسن يامحسن ،نعم يا بابا أنا هنا جاى حالا تعالى أمك  
جابت الغدا وعاوز أتكلم معاك أمرك يا حـج حاضر --خير يا حـج  
طيب كـل الأول --قل بسم الله بسم الله ---قولى يا حـج صحيح  
هى صور زمان كلها كانت أبيض وأسود بس.. وبتسأل ليه

--

أبدا اصل الصور الأبيض والأسود دى نادره وكنت بدور على  
صور علشان احطها فى كتابى اللى بكتبه كتاب إيه انت كمان

--





يبنى الغيط عاوز عزيق والدكان عاوز إالى يتابع الناس فيه  
وانت سكنت عند إنتصار بقالك شهر وزياده...  
وبصراحه يبنى انا مش مستريح لوجودك عندها تسمع منها  
كتير كدا يبنى الحكمة علمتنا إالى عرف كتير حياته كلها  
بتكون فى خطر وإنتصار عرفه كتير قوى ولسنها مبقاش  
ساكت زى زمان وبدأت تتكلم وبصراحه يبنى انا خايف عليك  
من إالى هتقوله خلى بالك هى لسه مقتلش لىك حاجة.. شوية  
الكلام اللى قالتهم عن نجاة وشيخ البلد ده كلام قديم المشكله  
لو أتكلمت باللى طول عمرها ساكتة عنه...

يابنى عاوزك تبطل تروح عند إنتصار --وتبطل تقلب فى  
صندوقها تانى وسبيك من الصور الأبيض والسود امرك  
ياحج بس انا هروح كمان مره عندها مينفعش مرووحش فيه  
شوية حجات لازم أسمعها منها وأفهم طيب بس على شرط  
مقلبش فى صندوقها تانى على حاجة أمرك ياحج --بس هى  
إلى قالت لك على حكاية الصندوق دى ياحج هى مبتقلش  
حاجة --يا محسن هى مبتقلش

ياخبر اسود مين إلی بيقول لابويا ومين تانی بيتجسس عليها  
أنا مبشوفش عندها حد يبقی إزای أبويا عرف مبشوفش حد  
إزای يلا إنت عبيط --أكيد فيه ناس كتير موجوده إلی بيطبخ  
ليها وإلی بينطف هدمها والبیت كبير قوى يعنى أكيد فيه  
ناس بس إزای وانا كل ما بروح عندها ما بشوفش غيرها هي  
إلی بتكون موجوده---يبقى أكيد هي منبهه عليهم مفيش حد  
يخش عليها إلا بأوامر او لما بتطلبهم (مهو مفيش حل  
تانی) علشان كذا لازم أسجل كلامها علشان منساش وکمان  
يبقى توثيق ليا لما أكتب الكتاب لأن الحكاية شكلها هتبقى  
حكاية الحكايات



## الفصل الثالث عشر

### علاج نصره

صباح الخير يا أمى هو أبويا نزل السوق ولا الغيط  
نزل السوق علشان طلبات الدكان الجديده هيستلمها وساب لك  
فلوس تروح تديها للناس فى الغيط علشان الناس تقبض  
يومياتهم بقالهم اسبوع مقبضوش وده حرام الناس شغاله  
علشان تعرف تعيش.. بس انا كنت عاوز أروح عند جدتى  
..روح الغيط وبعد كدا روح زى ما أنت عاوز سيب الفلوس  
مع ابوك جوده وهو هيتصرف يلا بلاش كسل أمرك يا أحلى  
أم فى الدنيا -----بس يلا عاوز افطر إتفضل يا حبيبى الأكل  
جاهز والشاى

كمان... شاى لأ أنا عاوز قهوة

قهوة هو أنت شربت قهوة عند إنتصار آه ليه --قهوة نصوره  
فيها إيه آه من قهوة نصوره --

مالك ومال قهوة جدتى يا أمى هى قهوتها كمان ليها حكاية

يبنى كل حاجه عند ستك إنتصار ليها حكاية علشان كدا

لو بتحبنى يامحسن بلاش تروح تانى عندها وبلاش كتابك ده  
ربى يخليك يبنى -----فيه إيه يا أمى والله العظيم إنتصار  
دى طيبه قوى وكلامها جميل وتحسى انها بنت عشرين سنه  
عقلها واعى قوى مهى دى المصيبه يبنى عقلها الواعى  
قوى عقلها ده جبار مقدرش عليها لا الرجاله ولا ستات  
البلد ملمسها ناعم قوى وقرصتها والقبر.. يا ما ودت رجاله  
القبور بدرى علشان ترضى على رجاله تانيه.. يبنى إنتصار دى  
حكاية زى ألف ليله كداجدك كامل خلاها سلطانه... وهى  
مكدبتش خبر بقت سلطانه بجد... عملت عندها مجلس للستات  
زى ما أبويا كامل عامل مجلس للرجاله آل إيه بتعلم وتفهم  
ستات البلد والكل كان عارف قصدها إنها تبقى كبيرة فى البلد  
المهم بقى يتحكى عندها الحكايات وكانت بتبقى فى المجلس  
ده مع وحده صحبتها إسمها نجاه مش عارفه راحت فين  
بيقولوا سابت البلد وطفشت وبيقولوا حجات كتير المهم إنها  
اتعلمت انها تسمع وماتتكلمش ومن حكايات المجلس ولمة  
النسوان حوالىها عرفت كل اللى بيدور فى البلد والبيوت وده  
خلاها تعمل إالى عوزاه من غير كلام بإشاره منها أى ست  
تنفذ

والرجالہ کلہم تحت طوعہا حتی جـدک کامل کان یتـمـنی لہـا  
الرضی علشان ترضی عنہ أصلہ کان بیحبہا قوی --  
طیب وأبویا کمان زیہم ولا مکنش بیروح عندهم  
أبـوک اصغر منهم بعشر سنین فکان بالنسبہ لیہم لـسـہ صغیر  
بس هو اتعلم انه یروح هناك وبقی یجلس معاهم ویخدم علیہم  
لحد مافی یوم شافـتہ إنتصار نادت علیہ ومش عارفہ ہی  
عملت لہ ایہ بعدہا بقی من دراویشہا وبقی تحت طوع أمرہا  
وقالت لہ إنہ لو سمع کلامہا ہتـجـوزہ إلی بیحبہا وأبـوک قال  
لہا أنہ بیحبـنی قالت لہ خلاص ہجوزہا لک  
وفعلا جوزتـنی لأبـوک مع انی مکنتش موافقہ لکن أبویا نادى  
علیا وقال ان أنتصار إختارت لکی جمال وأنا وافقت -- قعت  
أعیض وقلت هو انا ہتـجـوز الغلبان دہ لیہ أنا عاوزہ أستریح  
من التعب جوزونی لحد یكون معاه أرض یریحـنی وکان فیہ  
واحد عاوزنی وهو کان أغنی من أبـوک وأنا کنت عارفہ إنہ  
عاوزنی وکنت فرحانہ بیہ -- بس أبویا قال خلاص انا أدیت  
کلمہ لإنتصار ونادی علی أـمـی وقال لہا سکتی بنتک وفہمیہا  
وفعلا أتجوزت أبـوک وبعدہا بقی أبـوک میقلش لہا غیر حاضر  
وبعد بکام سنہ أبویا مات --

-ومكنتش بخلف لفته طويله وكان نفسى فى الخلفه فبقيت  
أتحايل على أبوك انه يكشف عليا فى مصر ولما مكنش راضى  
روح ليها علشان تقنع أبوك بانه يروح بيا للدكتور-هى  
الوحيدة اللى كانت بتقدر تكلمه ---هى بعثت له وهو فهم  
وودانى للدكتور-- ورجعنا من عند الدكتور لبيت ناصرة  
أبوك كلمها مش عارفه قالوا ايه لبعض المهم عملت لينا قهوة  
سهرنا ولا نمناه مش فاكهه ايه اللى حصل المهم عرفت إننا  
انا وابوك بيتنا فى دار كامل عند نصره لأن الصبح أبوك زعق  
فنصرة قالت انكم من تعبكم نمتم هنا ومفهاش حاجه وده بيت  
اخوك كامل ومفيش فرق بينكم ---فقال ليها وليه فتحيه كانت  
فى أوضه تانيه قالت مالك ياجمال فيه أيه ده شرط العلاج ويلا  
خد مراتك ومشى ريحوا فى بيتكم شويه وبعدها بتسع شهور  
خلفتك بعد مامشينا على العلاج زى ما الدكتور قال وبعد  
كدا محصلش حمل تانى --- وبعد ماخلفتك جت ناصره وأبويا  
كامل وقالوا إنهم هيسموك محسن ونقودك إنهم هيفتحوا لأبوك  
دكان وكمان حته أرض نزرعها علشان نعرف نصرف عليك  
دا إنتا الغالى ---



وفى يوم أبوك رجع من عندها مخنوق وقعد يومين من غير  
مايتكلم حتى معايا سألته مالك يا جمال مردش وقال مفيش  
مرواح عند إنتصار تانى ومن بعدها لانا ولا أبوك بقينا نروح  
عندها ولا بنجيب سيرتها )) أنا مش عرفه بس ايه اللى خلاك  
تروح هناك يبنى إنت تعبتنى قوى بقولك ايه اسمع يا محسن  
هنا مفيش قهوة مفيش غير شاى عجبك ولا لأ طبعا عجبني  
طبعا ياست الكل بس قولى بجد يا أمى أنتى بتتعصبى ليه لما  
بتتكلّمى عنها يبنى اسكت بقى حاضر حاضر هو انتى هتبكى  
ليه بس مفيش يا محسن بس بجد لوبتحنى متروحش تانى  
هناك

انا وعدت ابويا إنى مش هروح غير المره دى بس علشان  
خاطرى وفقى انتى كمان حاضر يبنى بس ياريت تكون آخر  
مره حكايات ستك أخرتها يبنى مش حلوة صدقتى الجهل احسن  
من المعرفه

## الفصل الرابع عشر

### جوده

صباح الخير يابا جوده صباح الخير يامحسن يابنى مش بعاده  
انك تيجى الغيط أبدا والله ابويا راح السوق علشان الدكان  
ناقصه طلبيات كتيره وقال آجى هنا وأسيب معاك الفلوس دى  
علشان تدفع أجور الرجاله وهو هيعدى عليك آخر اليوم ولو  
مجاش هتعدى عليه أنت

... حاضر ياسى محسن بين الغاليين تسلم بس إيه بقى ياسى  
محسن دى بدلعك بين الغاليين قوى ممكن سؤال يابا جوده  
؟إتفضل خير...

ليه ناس كتير مش بتحب جدتى إنتصار مع إنها طيبه هو يبنى  
إنت رايح فين باين عليك متأخر





هههههههه ايه يابا جوده هو انت كمان زيهم بتخاف منها  
شوف يا محسن يبنى أنا لابخاف ولا بحب اتكلم عن حاجه  
معرفهاش بس أحسن حاجه إنك متسألش كتير وبلاش تسال  
من زمان وحكاياته وسيبك, وخليك ابن النهارده ممكن تعملى  
شأى لأ لأ ليه بس انا عاوز أشرب معاك شأى لأ إنت مش  
عاوز تشرب شأى إنت عاوز تسمع حكايات حكايات الكل قفل  
عليها باب وبلاش يبنى تفتح الأبواب المقفوله لأنه بيكون  
وراها تراب كتير وفى قلب التراب حجات كتير بتكون منسيه  
واقعه من حد وهو سابها مرضيش يدور عليها تانى فبلاش  
تقلب فى تراب وسخ ممكن يعفرك ويمكن يوسخ هدومك  
الجميله دى إنت بتتكلم كدا ليه --وهدوم ايه إالى ممكن  
تتوسخ يبنى مش قصدى --أنا قصدى خليك فى النضيف أحسن  
بكثير بلاش تقلب فى تراب ستك إنتصار

.. سيبك من إن شكل البيت نظيف --سيبك من الشكل  
وبعدين يبني انت مش راجع كليتك علشان عندك إمتحان  
الدبلومه بتعتك مالك بقى ومال حكايات منسيه تحت تراب بقاله  
سنين وسخ متكنس ومفيش حد عاوز يكنسه علشان يبقى زى  
ماهو تراب الكل سابه مركون أصله لو إتكنس دلوقتى هيوجع  
صدرك وكمان ممكن يوسخ هدومك ممكن طلب إتفضل يابا  
خير متقلش لأبوك أنا إتكلما مع بعض إنت جبت الفلوس  
ومشيت على طول وآدى الولعه بتاعة الشاى إطفت لوحدها  
يعنى مفيش شاى إتفضل بقى عندى شغل طيب ممكن  
سؤال إتفضل يامحسن هو ليه انت متجوزتش --لحد  
دلوفتى وكمان غريبه انك بتراعى ارضنا اكتر من أبويا  
--متزعش منى يابا جوده  
انا شغلتي السؤال للمعرفه

... عاوز تعرف ياريت... طيب انا هقول لك وياريت متسألش  
تانى



...انا زمان حببتها قوى ويمكن هى كمان حبتى.. لآنى مش متأكد من حبها غير إنى كنت بشوفه فى عيونها الحلوه ولما روحت لجدتك انتصار علشان اقول ليها انا عاوزها وهى هتكون الواسطى قالت إنها هتجوزها لواحد تانى --وإنها وعدت بكدا ومينفعش ترجع فى كلامها طيب وانت ليه مسبتهاش وروحت إنت لأبوها عملت كدا وإتكلت معاه ورد وقال هشاور اهل بيتى وهرد عليك وكان باين عليه انه موافق وبعد كدا عرفت ان انتصار كلمته ---وقالت له انها لازم تتجوز واحد تانى مين ده بقى الواحد التانى واحد صاحب نصيبه إتجوزها -وانتصار قالت هجوزك

قلت لأ وبعدها اقسمت انى مفيش وحده ست هتخش حياتى تانى وحرمت الزواج على نفسى طيب هى عارفه انك عملت كدا علشانها يمكن ويمكن لأ انا معدش يفرق معايا انها تعرف او لأ ده زمن وعدا خلاص وياريت تمشى يامحسن ياريت يبنى تمشى خلى كل شيء مكانه ساكت ومردوم عليه

,,,,,,,,,,,,, حاضر بيا جوده حاضر ,,,,,,,,,,,,,,

هو ماله مخنوق قوى كدا دا ناقص ينزل دموع من عيونه إيه  
فيه إيه معقول الست الجميله دى بالجبروت ده وتكون فى  
حقيقتها غير إالى أنا شيفه منها --وبعدين عمرها سبعين سنه  
يبقى خايفين من إيه مش ممكن أسكت وبعدين تراب وكنيس  
وهدومك وممكن أتوسخ --وأنا مالى ومال الكناسه أنا عاوز  
اشرب شاي ومش عاوز أروح ومش عاوز أروح عند إنتصار  
قبل ما عرف انا بتكلم مع مين ---طيب مين اللى هيكلمنى عنها



## الفصل الخامس عشر

### حب القلب

إنت بتكلم نفسك ليه يامحسن سعيه إيه ده معقول انتى رجعتى إمتى بقالى يومين النتيجة ظهرت ونجحت والحمد لله ورجعت وأنت ولا إنت هنا مش فاضى --تسأل عليا ولو كنت سألت ولا حتى عديت أمام البيت كنت شفتنى إنت بتروح فين --أنا سامعه إنك بتروح عند ستك إنتصار هو انتى كمان عرفتى إيه ياجدعان --هى إيه الحكايه آه عرفت إنت ناسى إنى صحافه ولازم يكون عندى الخبر من مصدره

هههههه والله كويس على كدا بقى انتى عارفه حاجه عن ستك إنتصار

طبعا عارفه ومش عارفه --وحيبتها ومنها خايفه --ونفسى أكون مثلك أسمع منها يمكن إالى سمعته عنها يكون تخريف --أوبكلامها تثبت الحقيقه.. ونبقى عارفين إحنا عايشين مع مين طيب قولى

إنت عرفتى إيه ولا سمعتى إيه متشكره يامحسن هى دى  
وحشتينى --إننا نتكلم عن ستك إنتصارمش قصدى والله اصل  
الشهر ونصف إالى فاتوا دول خلونى خلاص مش عارف  
حاجه أسمع من نصوره أعرف عجب  
أتكلم مع أبويا وأمى وإلى حوليا أحس إنى داخل كهف له  
طريق واحد إالى هيمشى فيه مفيش ليه رجوع  
ليه بتقول كدا يامحسن

ستى إنتصار --بتتكلم معايا بالألغاز ومقلتش غير قليل  
والقليل بتاعها يخوف ناس كتير فما بالك لو حكى كل شيء  
تعرفه وبعدين انا لقيت عندها كمية صور أبيض وأسود  
لرجاله وستات مستغرب من وجودهم عندها وإيه سبب  
وجود الصور دى عندها وكمان ظرف أصفر ربطاه بطريقه  
غريبه ومخبياه فى قعر الصندوق وتحسى وأنتى بتتكلمى  
معاها إنك مسافرة بألة السفر الزمنيه --التاريخ والناس  
بتتحرك أمامك

بقولك إيه يامحسن أنت هتخلى عقلى يشتغل بالحسه  
الصحفيه وأنا لسه دماغى فيها وش من الترم الأخير وكان  
عن أثر الحكايات الشعبيه فى تكوين أسطورة الأبطال  
الشعبيين



وتصحيح الخبر عند العوام من الناس --بتوثيق المعلومه  
وتثبيت مصدرها..

حيلك حيلك إستنى شويه هو إنتى هتشرحى ليا إزاي نجحتى  
أنا عاوز أقول أنك وحشانى --قوى كمان وعلى فكرة أبويا  
مستنى النتيجة بتعتك علشان يخطبك لى...  
وهتكون هديتى ليكى يوم الفرح كتاب حكايات جدتى  
ههههه بجد-- بس عنوان الكتاب مش حلو..  
يبنى لازم العنوان يُبرق علشان الناس تشتريه  
هههههههههههههههه طيب قولى عنوان ليه  
ماشى بس لما أقرأه وأعرف محتواه ---

بقولك أياه هو إنت هتروح فين  
انا هكون هنا معاكى مش رايح أى مكان --أنا مستنيكى  
علشان اقولك حجات كتير أولها وحشانى وأخيرها برضوا  
وحشانى--تعرفى الليل كان طويل قوى وإنتى مش هنا  
والنهار قصير وانا مع نصوره وoooooooooooo

صباح الخير ياماما  
 صباح الخير يا حبيبي ده كله نوم يامحسن أبوك خلاص قرب  
 يتجنن  
 ليه بقى منا مروحتش عند جدتى زى ما طلب منى  
 هههههه ياواد مرحتش علشان طلبنا كدا ولا علشان سعدية  
 رجعت  
 يا خبر عليكى بلد مفيش حاجه بتستنى فيكى --مين اللى قالك  
 ولما إنتوا بتعرفوا كل حاجه كدا مش عارفين تعرفوا ستى  
 أنتصار مخبيه عليكوا إيه..  
 إسمع يامحسن ملكش دعوه بـانتصار وإلى مخبياه خالص..  
 وزى ما قال لك أبوك جوده فى الغيط سيب التراب مكانه  
 بلاش تنكش فيه زى الفراخ  
 والله العظيم انا منا قاعد فى البلد دى أنا هتجوز وهمشى  
 معقول حتى الكلمتين اللى مفيش غيرى انا سمعهم عرفتهم  
 طيب إزاي..





فيه إيه مهو مش معقول كدا يجماعه  
 بس أسكت أبوك رجع -- بلاش تتكلم قدامه  
 يامحسن -- نعم يابويا  
 تعالى هنا -- بص يبنى أنت كل حاجة جهزه ليك علشان  
 الجواز ونا عارف انك عاوز سعديه بنت أبوك محمود -- وأنا  
 هكلم أبوها بس قلت أتأكد منك الأول  
 استنى يابويا بس لحد ما أخلص الدبلومه وجهاز الكتاب  
 بتاعى..  
 يبنى خلص الدبلومه وجهاز كتابك اللى بتقول عليه برحتك  
 لأن الفرح كمان سنه او ست شهور-يعنى تكون كل حاجة  
 تمام  
 ماشى يا بويا...  
 مبروك يا محسن ---الله يبارك فيكى يا أمى  
 يا محسن تعال عوزاك..  
 فيه حاجة يافتحيه  
 لأ يا أبو محسن كنت عاوزه محسن فى كلمتين  
 طيب يلا عاوز أتغده علشان خارج  
 حاضر حاضر...

نعم يا أمى عاوزه إيه  
خد دول تشتري بيهم حاجه لسعديه --هههههه  
وكمآن ستك بعنت لىك عوزاك وقالت لازم تروح  
مش انتى قلتى بلاش اروح --يبنى روح الله يهديك وشوفها  
عاوزه إيه  
إحنا مش قدها --وهى طلبت يبقى لازم تروح منقدرش نقل لأ  
لازم نصبر لحد مايجى اللى بيقبض الأرواح ولا يمكن ربنا  
يبعت اللى يقرب البعيد ويخلصنا انا خلاص من يوم ما  
روحت عندها وانا مش طايفة روحى ونفسى اسمع خبرها  
يبنى روح وحاول تمشى بسرعه بلاش كلام وبلاش سمع  
منها انا حاسه انها مش هتسكت غير لما تموت او حد  
يموتها قبل ماتتكلم وهى لسه عنده كتير أه بس لو أوصلها  
مالك يا أمى فيه ايه إنتى خوفتبنى قوى كذا عليكى [مفيش يلا  
أمشى يلا روح قبل ماتبعنت تانى وربنا يسهل مهو لازم يكون  
فيه حل --لازم يكون فيه حل



## الفصل السادس عشر

### شيخ البلد

يأنصوره

خش يا محسن --وبعدين قلتك بلاش تقول كدا إسمى إنتصار  
ستك ياولا أمرك ياعسل كنت فين أمبارح وليه مجيتش أصل  
أصل

لأصل ولا فصل ---إذا كنت عاوز تعرف باقى الحكايه يبقى  
لازم تلتزم تيجى فى ميعادك وتيجى لوحدك يعنى لو سعديه  
طلبت تيجى قول لأ..طيب ليه ياستى... هو كدا بلاش شغل  
الصحافه بتعها ده ---وبعدين إنت الوحيد إالى بحكى ليه  
انا خلاص يا محسن حاسه انى أيامى قربت علشان كده  
عوزاك تسمع متسألش ومدورش على حاجه مركونه والظرف  
الأصفر إالى إنت شوفته هو ليك بس بعد موتى ---يلا جيب  
عدة القهوة علشان أحكيلك ليه جوزت أبوك لأمك....  
لألألا--انا عاوز أعرف حكاية عشق الخال الكبير ومين هو  
الخال الكبير ده بلاش يامحسن

لأ إنتى قلتى إنك هتحدى كل اللى عاوز أعرفه يبنى بلاش  
اصلك لو عرفت فيه حجات كتير هتتغير فى تفكيرك هو ده  
كان شيخ البلد إالى نجاة عرفت حكايته وهددته وبعدها طفشت  
ياه يامحسن ليه يبنى كدا بقولك إيه خلاص مفيش حكايات  
تانى

بس جوبى هو ده شيخ البلد وكان بيعشق مين ودى كانت ست  
ولا بنت طيب انا هقولك على حكاية شيخ البلد اللى عمره  
ماحبنى ولا كان طايق يشوفنى فى بيت كامل وكان ديما يقول  
مفيش غير دى كمان اللى تتجوز كامل زينة شباب البلد وانا  
كنت بسمع وبسكت معنديش حاجة أعملها ولا قادرة ارد عليه  
كنت بشتكى لكامل وكامل يكلمه يسكت يومين ويرجع تانى  
للكلام بتاعه --المهم بعد جوازى بشويه قلت لكامل بيتك كبير  
ولازم الكل يدخله ويبقى طول عمره مفتوح وانت كبير البلد  
يبقى لازم تعرف كل حاجة فى البلد زى العمده وشيخ البلد كدا  
قالى انتى قصدك إيه فقلت له كل اخبار البلد بتبقى مع ستات  
البيوت



فلو كل وحده حكّت ليا عن جوزها يبقى انت عندك كل اخبار  
 البلد فضحك وقال اعملى اللى انتى عوزاه وفعلا عملت هنا  
 مكان تتجمع فيه ستات البلد بحجة انهم يتعلموا حجات تنفعهم  
 وكان يدينا الدرس شيخ كفيف وهو أصلا مكنش يعرف حاجه  
 وبعده يمشى ونقعد نحكى مع بعض وفى يوم هو جه يسأل  
 على كامل ومكنش حد معايا غيرها وكنا قاعدين برحتنا بس  
 هو كان قليل الذوق بيخش بدون إستأذان ولو إتكلمت كان  
 ييبقى رده وسخ المهم وهو داخل شافها وبصراحه هى كانت  
 جميله قوى شافها ضحك ضحكة الصفرا وسلم عليا ومن  
 بعدها بقى ملازم للبيت عند أبويا كامل والغريبه  
 بقى كلامه كويس وبقى قبل مايخش يخطب على الباب  
 ويستأذن ولما سالتة قال علشان متزعليش منى لما اخش على  
 طول انا عارف انك بتزعلى من كدا وبقى ياخذ ويدى فى الكلام  
 صحيح معجبنيش وقلت اكيد فيه حاجه وانا كنت إتعلمت إمتى  
 أتكلم

وامتی أسكت لحد ما فى يوم سألنى عليها انا عارفه انه عارف كل البلد بس دى مكنتش من بلدنا كانت متحوزه فى البلد ولسه جديده فعلشان كدا معرفهاش المهم سألته وبتسأل عليها ليه قال أبدا إزاي شيخ البلد ومبيقاش عارف كل واحد ووحده فيها ده مايصحش فى حقه وضحك المهم فهمت إنها عجبته فقلت له هي غريبه عن البلد بس متجوزه هنا فقال وهي بتيجي كثير هنا قلت لأ لما بيعت ليها قال طيب إبعتي ليها تشرب معاكى الشاي -- فقلت وطبعا انت هتشرب الشاي معنا فضحك وسكت -- أنا استغلتها فرصه وقلت طيب لوبعت ليها وجت هقول ايه لكامل فقال ومين اللى هيعرف كامل وبعدين احنا هنشرب الشاي وهنمشى -- فقلت ومين قال انها هتوافق تشرب الشاي وانت موجود معنا قال إتصرفى وبعدين لو زعلت همشى وفعلا عزمتها عندى وهو جه بحجة إنه بيسال على كامل فقلت له هو زمانه جاى يدوب تشرب الشاي ويكون رجع وسبتهم وقمت أعمل الشاي -



-بس رجعت بسرعه فشفتهم بيضحكوا ومبسوطين قعدت وناديت على البت اللى فى البت تعمل الشاى زهق وزعل ومشى وبعد شويه قالت انها ماشيه بس عاوزه تيجى تانى بكره --وفعلا جت وهو جه فقلت هعمل ليكوا قهوة وسبتهم وطولت شويه قاصده اسيبهم ورجعت وكانوا حاضنين بعض وعملت انى هصوت وهما سكتونى وطبعا عملت نفسى زعلانه قوى وقلت هقول لكامل هى بقت عماله تعيى وتقول علشان خاطرى وهو قال أسمعنى يانتصار ده جميل مش هنسأه طول العمر وأكيد هرده ليكى فسكت وقلت خلاص حاضر بس مفيش انتصار فيه ستك إنتصار فبص وبصلها وقال حاضر يا ست أنتصار وبقي من أتباعى وهى كمان بقت خدامه ليا --- وبعد كذا لوجت وهو فى المجلس بقى يسيب الدنيا كلها ويجى وراها وهى بقت تتبغدد عليه وتدلّع وهو بقى عبد عندها --ومطيع ليا





بس انا يانصوره مش حد أنا محسن بص يامحسن الناس دى  
ماتت خلاص وميصحش نجيب سيرتهم

تعرف اجمل حاجه فى حكاية شيخ البلد الوسخه دى

أن نظرة الشوق فى عيون الرجاله دى مفضوحه ميعرفوش  
يداروا وعلى طول فكرين روحهم فرصه للى حوالىهم -  
المهم مخفتيش ليقتلوكى لأ طبعا لأنى عملت حسابى  
---وفهمتهم بعد كدا انى كتبت اللى حصل فى ورقه ومخبياها  
عند حد ولو غبت عنهم هيقروا الورق --ومن خوفهم او  
جنانهم نسيوا أنى مش بعرف اكتب ----وطبعا شيخ البلد بنى  
البيت لبويا وخلاه معاه طين كمان  
بصى ياستى انا عندى كام سؤال بس مش عوزك تزعلى منى  
لأ مش هزعل يامحسن إسأل زى ما إنت عاوز  
طيب أول سؤال --إبنك ابراهيم

مالك وماله يا محسن  
انتي مكلمتنيش عنه خالص  
آه آه آه

إيه ياجدتي مالك  
إسكت خالص وجعت قلبي على روي  
آسف ياجدتي معلش خلاص متحكيش عنه  
ليه امي بتركهك بس سؤالي الثاني  
وليه جوزتي أمي لأ ابويا  
بص يامحسن انا لوحكيت عن ابراهيم قلبي وعن امك  
هتزعل قوي فبلاش أتكلم عنهم خالص بس لو حبيت تسمع  
أنا هقول لك ---



بعد جوازی من کامل قعدت فتره طویلہ من غیر خلفہ وسمعت  
کلام کتیر من الناس انه کبیر ومش ممکن یخلف المهم هما  
عاوزین حاجه وربک راید حاجه تانیہ خالص فحصل انی حبلت  
وأول أهله ماعرفوا الحکایه اتجننوا وقالوا کلام وسخ قوی  
وأنا والله العظیم ماكنت أعرف غیر کامل المهم خلقت وجه  
إبراهیم وبقي فرحت کامل ملهاش حدود دبح وأكل الناس کلها  
وبقيت فرحانه وخایفه علی ابراهیم قوی وکامل جاب بنات  
تخدمنی علشان مسبش ابراهیم خالص لحد مابقی عنده خمس  
سنین وبیلعب مع الولاد ونسیت خالص ان أهل کامل شکین  
فیا وزعلانین علی الأرض إلی راحت منهم

لحد مافی یوم خرج یلعب مرجعش دورنا علیه فی البلد والبلاد  
إلی حوالینا لحد مافیہ حد قال انه غرق فی المصرف الکبیر  
وجبوه علی إدیهم ودفنوه وإدفت انا وکامل معاه

كامل كان خلاص هيتجنن وقعد يسال لحد ماعرف الحقيقة انه مات مقتول علشان الأرض وإنه مش ابنه بحجة ان سن كامل كان كبير وطبعا الكلام مش حقيقى كامل كان عنده أثنين وأربعين سنة وقتها--حصل تهديد صريح ليا ولكامل ومعرفناش نعمل حاجة --فسكت وانا بموت كل يوم ومن جنانى دبرت حاجة علشان أشيل الشك من قلب كامل انه مايبخلفش والحكاية دى مفيش حد عرفها ابدا غيرى انا وكامل بس المصيبة انه مينفعش تتقال --علشان كذا كتبت وصيتى علشان كل واحد ((ياخذ حقه )) أرض كامل لازم تروح لصحبها حتى ولو كان الاسم مش اسمه

طيب بقى احدى لى عن أبويا

بلاش تجيب سيرة امك وابوك هنا خالص ---وسيبك من حبهم وكرهم --خلى كل حاجة فى مكنها متغطيه أحسن... طيب أية حكاية الظرف الأصفر ده----ومين إالى كتبه وإنتى مش بتعرفى تكتبى





بإديها مش هتستنى لحظه فعلشان كدا لازم تسمع بهدوء  
وتستحمل لحد ماأخلص كلامى إنت إالى طلبت انا مكنتش  
عاوزه اقول لك والوصيه كانت هتبين كل حاجه هتقدر  
تستحمل وتسمع وتسكت ولا انا إالى اسكت وبلاش أقول  
ياجدتى انتى شوقتينى قوى للحكاية ومالك كدا بتترعى انتى  
تعبانه لو تعبانه بلاش تحكى خلاص كفايه النهارده كدا

لا يامحسن انا مش تعبانه أنا خايفه عليك ومنك

خايفه عليك لو عرفت وخايفه منك لو عرفت ومش عاوزه  
اسكت أنا تعبت من السكات إسمع يامحسن إنت فاكر الكلام  
إالى بقوله صح

أه صح مش ممكن أنسى كلمة بتقولها

يبقى فاكر لما قلتك إنى من جننانى دبرت حاجه أشيل بيها  
الشك من كامل إنه مابىخلفش



آه فاکر منتی لسه قایلاها

الحاجه دی انی خلیت کامل نام مع واحده وقلت له لو انت  
مابتخلفش هیبان ولو حبلت تبقى عارف ان ابراهیم ابنك

یا جدتی معقول طیب إزای وإیه هیعرفك ان الست دی حبلت  
من جدی کامل وإزای اقنعتیه وهو إزای وافق

مقلش جدی کامل قول ابویا کامل .. إحنا كنا هنتجنن بعد موت  
إبراهیم بس عملنا روحنا صابرين وسکتنا بس الشك فی قلب  
کامل کان خلاص هیموته وهیموتنی معاه فحت فی دماغی  
الفکره دی من شیخ البلد واللی کان بیقابلها هنا وقلت هنفذها  
هخلی کامل ینام مع واحده زی ماقلت لك ولازم تكون واحده  
جوزها مش بیخلف .. المهم جه واحد هنا صاحبنا هو ومراته  
وکان بیشتکی له ان مراته عاوزه خلفه ومصممه تروح  
لدکتور فی مصر وهو ممعش فلوس فطلب منه فلوس فدهاله  
وسافروا قعدوا شویه ایام ورجعوا

ولما رجعوا رجعوا على هنا والراجل خد كامل على جنب  
وحكى له ان التحاليل بتاعة مصر بتقوا إنه مش هيخلف  
خالص ومش عارف يعمل أيه وأزاي هيقول لمراته وياترى  
لو عرفت هتطلب الطلاق ولا لأ فكامل غتكلم معاه وقاله انه  
هيكلمنى علشان اكلم مراته وأعرفها وأشوفها هتصبر ولا  
تحب تطلق وأنا عارفه انها هتطلب الطلاق لأنها اصلا مكنتش  
بتحب جوزها بتحب واحد تانى المهم كامل دخل ونادى عليا  
وحكى ليه وطلب رنى فقلت له احنا لازم ننفذ فكرتنا إحنا  
نخليهم يباتوا هنا النهارده وإنت عارف هتعمل ايه كامل زعل  
منى ومرديش فانا عملت روى زعلانه المهم وافق وباتوا  
عندنا الليلة دى ... وبعدها عرفنا ان الست بقت حبلى ... فقلت  
لكامل علشان تعرف ان ابراهيم ابنك .. ومكنش حد عارف  
الحكاية خالص بس الراجل كان هيتجنن لأنه عارف انه  
مبيخلفش وجه يشاور كامل انه يقتلها قبل ماتولد ..





فاندیت علیہ وعرفته ان الی فی بطنها ابن کامل وانه لو لمسها ولا لمس الی فی بطنها هیدفن وراها هی کدا کدا متعرفش انک مبتخلفش فیبقى خلی الطابق مستور وعیش زی ما الناس عایشه ...الراجل ما إتكلمش بعدها وبقی عایش ومفیش حد یعرف الحکایه دی خالص ...

یعى الست دی معرفتش حاجه خالص عن الحکایه ولا أکتشفت صدفه ان أبنها مش ابن جوزها لأ هی عرفت تلمیح فی يوم جت تزعق هنا علشان حاجه مش فکراها ... وطولت لسانها فغصب عنی قلت لیها لو مکنش ابن کامل عندک کان لیا حساب تانی بس انا هاسمحک علشانہ بس ..وبعدها مجتش هنا تانی وانا مش جای هنا تانی مش جای یا انتصار

\*\*\*\*\* مقتل إنتصار \*\*\*\*\* .....

محسن يامحسن انت رايع فين متمشيش من قبل ماتاخذ  
الظرف الأصفر معاك هو لك يامحسن مفيش غيره فى  
الصندوق مهم كله كلام فاضى خد الظرف قبل ماتمشى أهو  
هو مشى يا إنتصار مشى من قبل مايسمع الكلام على مين وقد  
ايه انتى بتحبيه يا بنى استنى وسمع عاوزه اقولك انا طول  
عمرى عايشه علشانك عايشه مستنياك والله غصب عنى  
عارفه انى غلطانه بس مكنش عندى حاجه غير كدا محسن  
يامحسن ..... بتنادى على  
مين أهو مشى والظرف إنتى بتكلى روحك بعد مامشى إنتى  
عملتى ايه يا إنتصار قتلتى الولا وقتلتى نفسك إنتى إتجننتى  
بعد العمر ده .. هو راح فين عقلك .. راحت فين الحكمة اللى  
طول عمرك عايشه بيها ..



قتلتى نفسك يا إنتصار .

مين اللى دخل ده انت مين ؟      لأ إنتى مين ؟؟

ليه حكيتى له .. ليه إتكلمتى ليه .. أهو إنتى موتى فيه عزته  
وشبابه موتى فيه الأمل ببكره ... إنتى مش لازم تعيشى تانى آه  
آه لأ لأ بلاش إنتى طول عمرك واكله معايا عيش وملح بلاش  
إنتى ... تيجى منهم ماشى هما ليهم حق إنتى لأ هما إالى  
سلطوكى عليا صح إنتى متعلميش كدا ... صدقيني

-----

( سعديه إزيك )

( أهلا كنت فين )

( ما إنتى عارفه إنى بروح عند ستى إنتصار )

( مالك يامحسن وشك أصفر ليه كدا )

( إنتى بتقولى إيه ؟؟ )

( بقول مالك وشك اصفر كأنك جاي من سفر بعيد وبتجربى )

( مفيش بس تعبان شويه انا مروح )

( محسن محسن -- أنا مستنيك من الصبح  
 ) معلش مش هقدر أكلّمك دلوقتي سبيني  
 ) برحتك متشكرة ليك )))  
 ( محسن أهلاً يا إبني إية اللى رجعت بدرى كدا وليه  
 مرحتش لأبوك عند أبو سعديه هو قال انه هيستناك  
 هناك ) إنتى راجعه منين دلوقتي ) ( يبني انا  
 متنقلتش من الدار مهو انا قدامك أهوه ) لا أنا  
 شايك وانتى راجعه ودخلتى بسرعه انتى كنتى فين  
 ) يبني مالك فيه إيه وليه مرحتش وليه مش بترد عليا  
 ) هو مين إالى فتح الدكان لأ ابويا فى السوق وهو الدكان  
 يقدر يشتري أرض كتير كدا  
 ) إنت بتقول ايه مالك يبني ووشك متغير كدا ليه  
 أنا هنام ---وعلى فكرة أبويا مش عند أبو سعديه



-----

( كنت فين يا جمال )  
 ( كنت عند محمود أبو سعيديه خير ليه بتسألني وفيين الواد محسن )  
 ( محسن راح لك هناك ومكنتش موجود... )  
 طبعا كنت موجود وكنا قاعدين في المندره  
 الواد فيين  
 نام يا جمال  
 نام  
 آه نام مالك يا فتحيه طيب يمكن خرج يشوف  
 سعيديه الصباح رباح انا هنام وبعدين إنتي كنتي بره ولا  
 حاجه

لأليه

لبسك اللى لبسة ده لما بتكونى خارجه هو انتى كنتى  
خارجه ولا رجعه من بره ومالك كدا متعفره فيه ايه يافتحيه  
فيه ايه ياجمال منا قدامك أهوه مالى فيا ايه يعنى ؟  
فتحية خير ياجمال ؟ بصراحة شكك وصوتك  
مخلينى متوغوش عليكى فيه ايه وكنتى فين ؟ مفيش كنت  
فى مشوار وخلاص إستريح إنت ياجمال مهوا كل حاجه لازم  
الستات هى اللى تخلصها على العموم أنا هنام دلوقتى  
وياريت تنامى فى المندره التانيه -- عاوز أنام لوحدى  
هو ايه اللى حصل يعنى علشان خرجت مشوار وجيت  
محصلش حاجه بس شكك زى اللى عامله عامله وانا مش  
فايق دلوقتى فهنام والصباح رباح

-----



نام ياجمال نام وستريح ميهمكش ومتخفش مفيش حد هيعرف  
حاجه ابدا ابدا --حتى لومحبتكش فى يوم ياجمال بس سرك  
هو سرى متخفش ياجمال محسن مش هيعرف حاجه ولا حد  
فى البلد هيعرف حاجه ابدا --آه آه تعبانه قوى انت فين ياجوده  
إنت فين يسلام لو نعرف اللى فى قلبى لك كنت هديت الجبال  
ياجوده- آه طول عمرى مظلومه فى جوازى وجوزى- فى  
كسرة نفسى على حاجه معملتهاش بخُطرى ولا كنت عارفه  
انه حصل آه منها آه منها هى تستاهل كل حاجه حصلت ليها  
هى السبب فى اللى حصل ---نامى يافتحية نامى لوحدك  
أحضنى حلمك خلاص مبقاش فيه حد يقدر يكسر عينك خلاص

-----

خبر موت إنتصار

مين اللى بيرزع الباب كدا على الصبح هو الفجر لسه أذن  
فجر أياه إصحى ياجمال إصحى  
أنتصار ماتت



طيب الله يرحمها  
بقولك إيه إنتصار ماتت مقتوله  
إيه ياشيخه ومين اللى هيقتل وحده عندها سبعين سنه  
يجمال أنا مش ناقصه --كنت فين أمبارح بعد ماقلت انك  
داخل تنام دخلت بعد شويه مكنتش موجود  
إنتى بتقولى يا وليه يامجنونه..  
طبعا كنت نايم ---زى ما إنتى كنتى نايمة بالظبط  
ياجمال إوعى تكون خرجت بعد مانتت يعنى انتى عارفه انى  
كنت نايم ومحسن كمان  
آه ياخويا عارفه  
طيب يافتحية إنتى ليه بتقولى ان إنتصار إتقتلت وحننا لسه  
عارفين الخير مين اللى عرفك ياوليه  
هه --هما الناس اللى بتقول وانا هعرف منين





فتحية

جمال

))))))))))))))))))))))))))))))))))))))))))))))))))))))))

إيه يولاد الهيصه دى  
ياحج أسماعيل-ياحضرة العمده.. الحقتنا  
مالكوا فيه إيه على الصبح كدا يفتاح ياعليم  
أنتصار ماتت  
مين بتقول الحاجه إنتصار ماتت  
أيوة ياعمده إنتصار ماتت مقتوله  
طيب قول سلام عليكموا ياجوده خش تعالى  
سلام عليكموا ---انا لسه جاى من بيتها بعد ماسمعت الهيصه  
قبل ولا بعد  
يا عمده انا بقول بعد ماسمعت صوت جريت على الدار لقيت  
البت نبويه بتصوت وبتقول قتلوا الحاجه

مين بيت قالت معرفش أنا دخله أصحيتها علشان الفطار لقيت  
الدم فى كل مكان والصندوق مفتوح.... قلت آجى اعرفك  
صندوقها مفتوح مفتوح ياجوده....  
يعنى مدخلتش عندها جوه  
لأ ياعمده مدخلتش.. انا إالى سمعته قلتة طيب إيه اللى  
عرفك ان الصندوق مفتوح ياجوده هه -- يا حاضرة العمده  
انا مدخلتش هما اللى قالوا  
طيب --ياشخ الغفر بلغ المركز  
أستنى ياعمده أستنى  
خير ياجوده فيه إيه  
المفروض تروح الأول وتعاين وتشوف الصندوق الصندوق  
ياعمده --  
إنت بتلمح لإيه يا ولا يامجنون إنت



انا لابلمح ولا بقول --أنا بس حببت أتكلم معاك وحضرتك  
 تتكلم مع شيخ البلد --وكل حبايبك يعنى ياعمده إبعث شيخ  
 الغفر يقفل البيت ويمشى الناس لحد متشوف هنعمل إيه  
 حاضر ياجوده انا هسمع كلامك -----  
 ياشيخ الغفر خد الغفر وسبقتى ومتخليش حد يلمس ولايقلب  
 فى حاجه سامع يا شيخ الغفر وانا جاى وراك على طول  
 تعالى خد ياجوده مالك كدا ومال الصندوق  
 ياعمده إنت عارف وانا عارف اللى فى الصندوق ولو  
 الحكومه شافته إنت عارف  
 لأ معرفش ياجوده معرفش ومش عاوز أعرف إيه اللى فى  
 الصندوق  
 ماشى ياعمده يمكن إنك ماتعرفش ---طيب ..  
 يلا بينا نلحق الغفر قبل مييوظوا الدنيا

سلاموا عليکوا....

إزیک یاشیخ البلد انت هنا من أمتی  
وعلیکوا انا هنا من بدری اول ماسمعت الخبر جیت أجری  
آه طیب --ولقیث ایہ  
ملقتش حاجه وزی ماحضرتک شایف --هیصه علی الفاضی  
هیصه علی الفاضی إزای یاشیخ البلد  
الست مقتوله--ولازم نبلیع المركز  
إهدی شویہ کدا یا اسماعیل لازم نفکر ونتکلم مع بعض  
إحنا أهل القتیلہ وهی متقتلتش..  
هی ماتت یاعمدہ هی ایہ ؟  
طیب والناس دی کلها هنعمل فیها ایہ ؟  
دول أهلنا وکلمتک مسموعه وهنسکت البت المجنونه اللى  
جوه دی وهنقول من رعبها افترکت انها مقتوله لما شافت  
البویه الحمرا اللى وقعہ علی الارض البت افترکتها دم.  
ماشى یاعمدہ !!!



هه ماشى..

بس لو الكلام وصل المركز أنا إالى هتحمّل المسؤوليّه  
خير يا عمده إنت جراك ايه النهارده دا إنت أبو النباهه كلها  
ركز معايا الموضوع لازم يتلم إنت عارف تحقيقات ونيابات  
وإنت عارف دول بيدوروا ورا كل خرم إبره وليه وعلشان  
وحكايات مبتنتهيش غير بعد مابتكشف كل الورق --وأظن  
انك عارف يعنى ايه ورق ---أما حكاية انك تتحمّل المسؤوليّه  
فدى ليها الف حل أنت كنت مسافر وهترجع بكره ان شاء  
الله وتكون الجثّه إدفنت والعزاء.. شغال ---وقدام كل الناس  
والكل هيشهد بكدا

وده رأيك ياشيخ البلد ولا رأى مين ؟  
ياعمده -- حتى ياسيدى لو ده رأى مراتى انا شايف انه هو  
الصح ----  
إيه رأيك يا جوده ؟

أحسن كلام ياشيخ البلد العمده كان مسافر بيخلص مصالح  
البلد وهيرجع بكره والبت نبويه هتسكت خالص ---  
بلاش خالص دى \*.. هى هتسكت وخلص.... ماشى  
ياحضرة العمده أوامرك ياكبيرنا  
طيب يلا سَك الباب وسكت نبوية وتعالى نتكلم شويه فى  
الإجراءات والدكتور إالى هيطلع تصريح الدفن وكمان  
نشوف حكاية الصندوق وليه فاضى...  
بقول ايه يا إسماعيل بصراحه أنا مستغرب إنك متعرفش ان  
إنتصار ماتت من إمبراح ومسألتنش على الصندوق واللى فيه  
سيبك من الصندوق ولى فيه دلوقتى ياشيخ البلد لإن إالى خد  
إلى فى الصندوق ميقدرش يتكلم لأن كلامه إتهام له بالقتل  
وبعدين كل إالى موجود حجات قديمه مرت عليها سنين  
مفيش غير عقود الأرض ووصية كانت كتبها عند عبدالجليل  
المحامى .... يعنى كلنا فى الأمان..



وبعدين هو الحمار إلى قتل كان خايف من حكاويها مع الواد  
محسن بن جمال.. وهى طرطتشت بالكلام اليومين إلى فاتوا  
ونسيت نفسها شوية وبعدين هى كانت بتنادى على محسن  
وهو خارج علشان تديله الظرف الأصفر وهو خد  
الظرف بصراحه معرفش اصلها كانت بتكلمة على حاجه  
مقدرش يستحملها واللى بلغنى بيقول ان محسن وقف بعد  
مانادت عليه شويه بس مايعوفش هو خد الظرف ولا لادى  
كل الحكاية ---  
يعنى إنت عارف ياعمد

عارف ايه انا معرفش حاجه خالص المهم سيبك من كل ده  
وقول مين اللى جاى ده  
ده جمال ابو محسن  
وماله بيجرى كدا ؟ نادى عليه يجيى معانا على الدوار  
ومين دول كمان ؟  
دول قرايب الحاج كامل الله يرحمه

أه ---سمعوا بموتها عاوزين الورث...  
ورث إيه وكل حاجه مكتوبه بإسمها بيع وشرا من كامل  
بس بيقلولوا إنها كتبت وصيه بتوزع فيها التركة والوصيه  
كانت فى الصندوق  
بس الصندوق فاضى ياشيخ البلد---مفيش حاجه فى الصندوق  
إنت شوفته ياجوده  
آه شوفته ياشيخ البلد --مكسور وفاضى  
بس إنتصار مكنش عندها صندوق أصلا  
ياعمده خلينا فى الجد دلوقتى  
خير ياجمال هو ده مش الجد  
لا ياعمده...  
الجد مين اللى خد اللى كان فى الصندوق









إنت كنت فین یامحسن  
خیریا أمی منا نایم قدامک أهوه  
محسن بلاش لؤم قول كنت فین  
كنت عند سعديه وسهرت شویه ورجعت متأخر  
یعنی مش هتروح لستک إنتصار علشان تسمع منها باقى  
الحکایة

طبعا هروح وهو انا هقدر أتأخر عليها  
محسن إنتصار ماتت یامحسن  
بتتکلمی بجد یا أمی ؟  
معقول دى كانت زى الفل امبارح معقول تعبت وماتت  
لأ یاروح أمک أتقتلت -- یامحسن  
وتفتکری مین ممکن یعمل کدا فى ستنى إنتصار ونا  
هعرف منین منا كنت نایمة زیکم فى البیت یعنی مخرجتیش  
خالص إمبارح بعد صلاة العشاءاً طبعا وانا هخرج لیه ؟  
المهم بجد یاواد یامحسن تفتکر مین اللى ممکن یعمل کدا فى  
الست الطیبه دى

مين هيعمل إيه دا ستى ماتت بالسكتة القلبية..  
يلا يافتحيه بلاش رعى ياطيبه ( مع محسن على الصبح ويلا  
الفطار علشان هندفن الست بعد الظهر.  
هندفنوا مين..  
انتصار يافتحيه -- هو فيه حد مات غيرها -- إيه ياوليه مالك.  
تعالى يامحسن نفطر.....  
يعنمى مفيش مركز ولا بوليس  
مركز وبوليس ليه هو فيه إيه جرى...  
هو كل واحد بيجيله سكتة قلبية بنبلغ المركز  
وبعدين لما العمده يرجع يبقى يتصرف  
العمده يرجع ويرجع منين - أكيد فكرة مرات شيخ البلد صح  
مالك يا ياوليه يمين طلاق لو سمعت صوتك تانى لتكون نهاية  
العشره إلى بنا....  
آه مهى إنتصار ماتت خلاص -- سابت ليكوا السُرْع على  
الآخر



شوفوا يناس الوليه على الصبح عماله تهلفط بالكلام مالك  
يافتحيه ولا إنتى عاوزه إيه --شوفى يافتحيه شيخ البلد  
وجوده وقرايب كامل كلهم شافوا الست وهى ميتة والدكتور  
وهو بيقول سكتة قلبيه ولا هو الدكتور والناس كدابين  
ولا إنتى عاوزه إيه فى سنتك بقى..

ومتسشيش انى حلفت يمينا طلاق  
وكمنا كذا كذا مفيش كلام يلا حطى الفطار قدمنا يوم طويل  
الدفنه والعزا ---وشغلانه كبيره بعد العزا --يعنى لازم أرتاح  
الحمد لله يعنى خلاص مفيش حكومه --يلا الله يرحمها

.....  
مالك يا أمى إنتى زعلانة ليه مش انتى كنتى بتقول ياريت  
تموت ولا نسييتى -أهى ماتت--ماتت يا أمى.  
إسمع يامحسن انا اللى زعلنى انها ماتت بعد ما إتكلمت  
وحكت حجات كتير كان نفسى إنها تموت من زمان مش  
دلوقتى وبعدين هى قالت لك إيه زعلك وخلاك تمشى من  
عندها-- أنا يبني بكره الست دى

لو كان فيه حد بيكره الست دى فى الدنيا كلها يبقى  
انا علشان كدا عوزها تموت الف مره  
عارف يا أمى..  
عارف أيه..  
هه -- عارف إنك بتكرهها من حكاوى ستى عليها ليكى  
واللى عملته بعد كدا  
فيه إيه يامحسن هى إنتصار حكتك ايه قول ؟  
هى مكنتش ليها حكاوى هى كانت بتغرز سكاكين وبعديها  
بتسقينى القهوة..  
بتقول القهوة  
إنتى بتنسى يا أمى؟؟  
القهوة اللى شربتها وبعديها عينك ما فتحتش فيها تانى  
سؤال وسألته لنفسى كتير هى كانت عارفه ان ابويا عاقر  
وإنتى كنتى عارفه يا أمى..  
هى ليه كتبتلى املاك كامل...



قولى يا امى يلى روحتى للدكتور علشان تخلفينى  
 هو الدكتور كان قهوتها ولا ليله فى بيتها  
 الثمن الثمن ايه قولى يا امى  
 ليه مش بتردى.. هو جالك الخرس زيهم.. قولى انا سمعك  
 قولى علشان الحق أدفنها اصلها خلاص ماتت يا أمى  
 خليكى سكتة مترديش بس انا خلاص هقول  
 سلام علشان نلحق الدفنه --مش معقول مندفنهابس يا أمى  
 بس وحياتك لى كمان سؤال ؟  
 هو ليه جوده بيزرع الأرض من غير أجر يا أمى-----  
 آه يانى يبقى حكى للولا قبل ماتموت يعنى اللى خايفه منه  
 حصل آه يانى طيب هعمل ايه دلوقتى --يعنى كل التعب راح  
 على الفاضى والفلوس راحت على الفاضى آه هتجنن خلاص  
 هو إنتى بتكلمى نفسك يا أمى ؟؟؟؟؟؟؟؟؟

-----الغزاء والليل الطويل-----

صدق الله العظيم  
الله يفتح عليك ياشيخ --أحسنت يامولانا ---معلش ممكن  
تقرأ ربع كمان علشان خاطر العمده لسه واصل ومش  
معقول اول ما يخش نقول الشيخ خلص..  
حاضر --بس ياريت كوباية ليسون سخنه ---بقولك إيه هو  
العمده مكنش موجود  
لأ ياشيخ كان مسافر من أول إمبراح فى مصر بيخلص ورق  
المدرسه الجديده  
العمده مكنش فى البلد إمبراح..  
بتقول حاجه ياشيخ  
بستعجل اليسون بس هو انا أقدر أقول حاجه  
الله يفتح عليك ياشيخ --نورتنا والله  
تسلم ياحضرة العمده إنت نواره البلد  
إيه شطبت ولا هتسمعنا حاجه بصوتك الجميل ده  
لأ ياعمده انا بجد مش قادر خلاص من الظهر والمنزل  
مفتوح للغزاء





بس لو عاوزنى أقرأ هقرأ... أنا محسوبك يا حضرة العمده  
لأ خلاص لأنى تعبانى قوى ..مشوار مصر ده بيهد الحيل  
كان الله فى العون يا حضرة العمده

-----  
يا شيخ البلد الكل يروح ينام دلوقتى كلنا تعبانين والصباح  
رباح

أمرك يا حضرة العمده...

يلا يا جمال خد ابنك معاك ويلا إنت كمان يا جوده يلا الصباح  
رباح كله يروح على بيته ينام ويستريح وبعدين نبقى نتقابل  
فى دوار العمده ان شاء الله

-----  
مين هيجيلوا نوم ومنين هيجيى النوم....  
قبل مانعرف إالى فى الصندوق راح فين  
إنتوا بتقولوا حاجه يا جماعه  
بنقول تصبح على خير يا عمده

وإنتوا من أهله ---يلا يشيخ البلد..  
يلا يا إسماعيل ---بس بقول أيه هو إنت معندكش خبر عن  
اللى كان فى الصندوق  
إيه ياراجل هو انت نسيت إنه مكنش فيه صندوق  
ياإسماعيل انا وانت بس دلوقتى.. يعنى لازم نتكلم بصراحه  
الصندوق كان فيه ورق مشمهم المهم الوصيه لأنها فيها  
حاجه خطيره بتقول كلام كتير وممكن يعمل مشكله كبيره  
وكمات عقود الأرض المتسجله فى الشهر العقارى باسم  
الواد الوليه أتعجنت وعملت كذا وانا معرفتش غير متأخر

وقرايب الحاج كامل عرفوا إلى حصل ومن يومها وهما  
هيتجنوا طول عمرهم مستنين الورث بقالهم سنين وهما  
عملوا المستحيل علشان الورث وإنت عارف هما عملوا إيه  
وبعد ما عرفوا إلى عملته جالهم جنان وياما قالوا كلام كله  
يودى فى داهية وهيخرب بيوت وممكن ناس تتقتل فى البلد



علشان كدا ياشيخ البلد لازم تكون عندك حكمه وتعرف  
 هتصرف إزاي --أولا هما اللي ميستهلوش ولا كعب قصبه  
 بعد ماقتلوا ابنها علشان الورث -- وهى من جنبها عملت  
 اللي عرفناه بعد كدا مع فتحية وعقلها قال ليها ان هو اللي  
 من حقه الورث ومع ذلك هى سابت ليهم جزء كبير من  
 الأرض وبعدين زى ماقلت قبل كدا اللي خد الورق ميقدرش  
 يظهره علشان دا هيكون إعتراف بالقتل وكمات إلى أخذ  
 الورق عمل مصلحة كبيره للكل--لانه كدا مبقاش فيه وصية  
 ولا كلام مكتوب بيتحكى فيه عن حاجه  
 (طيب إحنا قلنا هى متقتلتش وممكن ياخذ تصريح الدفن  
 حجه معاه ويقول انه لقا الورق وعاوز ينفذ الوصيه --او  
 ينبض بالكلام...  
 )آه عندك حق بس هو عارف إن كلام إنها ماتت بالسكته  
 القلبه إتقال علشان الحكومه... لكنه هيكون عارف الحقيقه  
 زينا وبعدين إحنا مش هنستنى لما الحكومه تحقق معاه..  
 ولا إيه رأيك ياشيخ البلد

(والله إلى تشوفه ياعمده

(إلى أشوفه إنك تجيب الورق ونحرقه ويدار مدخلك شر

( شر أيه ياعمده مالك يا اسماعيل ورق إيه يعنى إنت علوز

تفهمنى ان الورق مش عندك --وانك ملكش يد

( ياصفوان إنت أكبر منى فى السن وعمال أقول ياشيخ البلد

لكن اقسم بالله لو الكلام ده إتردد تانى ليكون فيه حساب

سامع

هو إنت ياراجل تعمل المصيبه وعلوز تلزقها فيا عيب ياشيخ

البلد دنا العمده يلا روح باين عليك تعبان وهتخرف يلا بكره

نشوف ليها حل

( لا ياعمده مفيش بكره---أنا لايهمنى أرض ولا دوار الحاج

كامل وأنت عارف اللى يهمنى ومينفعش نستنى لبكره

علشان نشوف الورق مع مين وإلى بينى وبينك كتاب ربنا

تحلف عليه دلوقتى ان الورق مش معاك وانك ماتعرفش هو

فين



( إنت إتجننت يراجل إنت أنا أحلف على إيه--وكتاب ربنا بينا  
هه هو إنت تعرف ربنا روح ياشيخ البلد وقصر الشر بكره  
نتكلم

( شوف الراجل مشى حتى من غير مايقول سلاموا عليكموا

-----

( يا حسنيه يا حسنيه --إنتى ياست

( أيوه ياصفوان انا هنا خير

( خيرا جهزى لقمه وعلقى على الشاى دماغى هتفج من  
بعضها

( مالك يا أبو نواره هو كلامى مطلعش مضبوط وكل حاجه  
مشيت زى ما أنا قلتلك

( لأ كل حاجه مشيت مضبوط بس انا كنت فاكر الورق مع  
العمده...

( ورق ايه...

( هه لأمفيش بس يلا انا جعان قوى وعاوز اشرب شاى

-----

( يعنى شيخ البلد مايعرفش الورق فين وكمان بيتهمنى انا  
الراجل إتجنن طيب لو الورق مش معاه يبقى مع مين ومين  
اللى قتل

( خير ياعمده انت بتكلم نفسك ليه  
( والله يالواظظ الكل فى البلد دى لازم يكلم نفسه إنتصار  
لما كانت عايشه الكل كان ساكت دلوقتى ماتت والمشكلة  
مش فى موتها المشكلة فى الورق والورق ده فيه كتير  
وكتير قوى

يعنى لازم نعرف مين اللى خده  
( يعنى عاوز تفهمنى ان شيخ البلد ملوش يد ومش هو إالى  
خده علشان المكتوب فيه عن أبوه وحمدية بنت جابر وقتل  
نجاه ولا أنت ياعمده مش خايف للورق يقع فى إيد ولاد  
دهشان ويعرفوا مين إالى قتل أبوهم وإزاي اتباعت نص  
أرضهم...



**( قومی یا ولیہ من جنبی باین علیکی أتجننتی انا مش كنت  
مرزوع هنا جنبك ساعت ماجه الخبر  
( اه صحيح كنت موجود جنبی... بس قولى لو مش إنت ولا  
شیخ البلد عمل حاجه ببقى مین ومین له مصلحه  
إلى لیهم مصالح كثير ان الورق یختفی  
( او یستفاد منه  
( الورق ده مفیش منه ای فایده دلوقتى لأنه وهقول تانى  
الى خد الورق میقدرش یعمل حاجه بیه لأنه هیئتهم بالقتل  
( براحه علیا یاعمدہ متبقاش حمقى کدا وفکر شویه إنت  
عارف کل اللى فى الورق وإیه کان فى الصندوق غیر الورق  
--إنت عارف إنتصارکانت محتفظه بصور کثیر اهم من  
الورق --حتى لو الصور قديمه الناس لساها عیشہ--واللى  
ماتوا لیهم ناس عایشه وانت عارف انه کان فیہ اعراض  
اهم من الورق**

( لا طبعا انا عارف شوية حجات وفيه حجات معرفهاش..  
يعنى اللى إتحدى لى من أبويا -- عن أبو شيخ البلد وشيخ  
البلد.... وده يخلى شيخ البلد يقتلها او على الأقل يبقى  
حريص على الورق

( طيب انت كمان أبوك له فى الحكايه نصيب..  
( يسلام يلواظم فهو إنتى كمان أبوكى معانا فى الحكايه  
وإنتصار جوزتك ليا ---وأبوكى وافق ومقدرش يقول لأ  
( بس انا كنت عوزاك يا إسماعيل --يعنى متجوزتنش  
غصب

( لا إنتى إالى إتجوزتىنى غصب روحتى لإنتصاروقلتى ليها  
إنك بتحبينى وإنك عوزه تتجوزينى وهى قامت بالواجب  
( يعنى إنت مكنتش عاوزنى يا اسماعيل ؟  
( ده زمن وعدى خلاص إحنا فى إيه ولا إيه دلوقتى  
( لا عاوزه أعرف إنت مكنتش عاوزنى وليه وافقت





( وافقت لأن أبويا قال لازم تسمع كلام إنتصار إستريحتي  
( آه وإنت كنت عاوز مين --كنت عاوز مرات جمال --كنت  
عاوز فتحيه

( ياويله يامجنونه إحنا فى مصيبه وانتي يتفكرى فى ايه  
لأ متخفش إنتصار حكلى وقالت انت عاملت ايه بعد  
ماشربت قهوتها عندها و سهرت مع بنت أقول ولا بلاش  
المهم إنك خطرقت يومها بكلام كتير وقلت إنك عاوز فتحيه  
( بس بس اخرسى خالص والله ليكون آخر يوم فى عمرك  
سامعه

( لأ مش سمعه... وبقولك أهوه --لم الموضوع يا اسماعيل  
وإلا أقسم بالله إنت عارف  
( حاضر يا لواحظ ---حاضر خلاص اقفل على الموضوع

-----

( إيه يا جمال هتنام إزاي والورق ده بره لازم يكون فيه حل لازم هو أكيد مع شيخ البلد ولا العمده -مفيش غيرهم هيستفيد من المصيبه دي مفيش غيرهم اللي دبروا وقتلوا وسرقوا الورق وبكره هيقولوك رجع الأرض وقفل الدكان --- انتصار ماتت خلاص --وكمنا معانا ورق بيعكى كل حاجه بيعكى إزاي عشت طول عمرك مذلول وإنت عارف المصيبه اللي عندك-الكل فاكر انك ماتعرفش وإنت سكت فرحت بالدكان وسكت--فرحت بالطين اللي عمرك عشت فيه وسكت --ودلوقتي الورق هيقول --هيقول كتير ---وشيوخ البلد مش هيسكت فرصه وجت ليه --ولا العمده --وفرحتة ددلوقتي بعد ماهيعرف الحقيقه وهيقول لفتحية شوفتي اللي إتجوزتية غصب عنك وعن طلع ايه كان عارف وساكت ---يادي المصيبه ليكون الرورق عند شيخ البلد ولا العمده --مصيبه وحطت على دماغك يا جمال آه آه آه --دماغى دماغى ( مالك يا جمال مالك ياخويا فيه ايه --يامحسن يامحسن الحق ابوك جمال تعبان الحقنا يبنى الراجل





( لاَإِلَٰهَ إِلَّا هُوَ -- رَبَّنَا يَنْتَقِمْ مِنْكَ يَا بَعِيدُ

امی

**( جمال مات من زمان --بس كان مستنى إعلان الوفاة**

))))))





( أياه يولاد فيه ايه )

مفیش یا حج عادل بیقولوا جمال ابو محسن مات  
وفیه حریقه کبیره فی دوار ابویا کامل ومش عارفین  
یطفوها

( وایه الی ولع یاولا )

( انا عارف یا حج عادل بیقولوا بخور کان مولع وولع فی  
البيت كله حرق كل حاجه فی أوضة الحاجه إنتصار وعمالین  
ینادوا یولاد ميه یولاد فيه ناس جوه الحریقه الحقوهم  
و أهی مطافی المركز جت وبتحاول تطفی أنا هروح اشوف  
فيه ايه وارجع اقول لك یا حج عادل  
( انت یبنی بسرعه --وهو مفیش حد بلغ العمده ولا شیخ  
البلد



( والله يا حـج عادل عـنـك حـق الإـتـنـين مش بـنـين فـى وـسـط  
الناس والكل مستغرب

( تـلـاقـيـهـم نـايـمـين مـن تـعـب إـمـبـارح طـول النـهـار دـفـنـه و عـزـاء  
وشغلانه كبيره هما هـيـكـونـوا نـامـوا أصـلا كان الله فى عونهم  
( ألو ألو أيوه يامركز أشاره أستلم أشاره مطلوب بسرعه  
ثلاث عربيات أسعاف فى ناس اتصابت فى الحريق ست  
وأثنين رجاله... )

( يافندم اصابه ولا وفاة.... )

( وفاه ولازم يتنقلوا للمستشفى المركزى للتشريح

( يبقى كفايه عربية اسعاف بس يـفـنـدـم

( ماشى مش مهم المهم انك تبـلـغ البـلـاغ

( رايح فين يامحسن

( مسافر يا امى مش ممكن اقعد فى البلد انا بحضر دبلومه

علشان الماجستير وبـجـهـز لـكـتـابـى نـاقـصـات عـقـل و لـازـم أـسـيـب  
البلد وأمشى

( يبنى استنى شويه ميصحش كدا ابوك لسه مدفنش وانت  
تسيب البلد طيب الناس تقول ايه يابنى ميصحش --  
( ) ايه اللي مايصحش دى الحاجه الوحيده اللي صح بقت  
دلوقتى لازم أمشى مش ممكن أدفنه وهو اللي دفنى من  
زمان ليه ماسبش البلد ومشى ليه ماهر بش وعاش بعيد يا  
امى يبقى اكبر صح إنى امشى إنى أسافر -- إنى أبعد بعيد..  
وبعدين متخفيش البلد مش فاضيه تسال عليا  
كلهم ببسالوا عن العمده وشيخ البلد ونبويه إالى أختفوا  
ومش عارفين راحوا فين وبيوقول بيشرحوا الجثث فى  
المستشفى يمكن يعرفوا مين اللي ماتوا فى الحريق أصل  
الوله كلتهم زى ما أكلوا البلد من زمان ) هما  
مين يبنى وهو انت عارف اللي إتحرقوا ؟؟





( ( ( طبعاً يا أمى عارف العمده وشيخ البلد  
والجاسوسه بتعتهم نبويه وناقل الأخبار فراج بس فراج  
هرب أصلهم إتخنقوا خناقه كبيره قوى مع بعض فى بيت  
ابويا كامل أبويا يا أمى كا واحد كان فاكر ان التانى هو اللى  
خد الورق ولما زعقوا وحلفوا قالوا يبقى اللى سرق الورق  
نبويه وجابوها وقعدوا معاها وقالوا ليها انك هتموتى لو  
مقلتيش الورق فين وفين الوصيه ومين الست اللى كانت هنا  
بعد العشا بعد ما انا مشيت زعلان آه صحيح متعرفيش ياما  
مين الست دى المهم نبويه تحلف وهما يحلفوا ومش  
مصدقين بعض هب الأوضه ولعت أصلهم كانوا متفقين ان  
الأوضه تتملى جاز والمبخره تقع فتولع فى الأوضه علشان  
تحرق الصندوق بالصور وأهى ولعت فيهم الثلاثه --بس  
الغريبه يا أمى سمعت نبويه وهى بتقول هى اللى قتلتها  
وخذت الوصيه معاها ومشيت هى مين يابت قولى وقبل  
ما تقول كان السر الإلاهى طلع والبیت ولع ---

ماتت قبل ماتقول مين اللى كانت هناك فمتخفيش يا امى  
نبويه ماتت ومات السر وجوده هيخلي باله من الأرض  
---متخفيش أهو طول عمرة مخلى باله من الأرض والبيت  
( يا محسن يا محسن بينى استنى استنى --  
هستنى أيه تانى انا لازم أهرب من هنا أنا لازم أركب القطار  
ومن مصر أركب قطار تانى مش مهم رايح فين المهم إنه  
يبعد ---سلام سلام

,,,,,,,,,,,,,,,,,,,,,

( هتسافر فين يا محسن وتسبنى..

( سعيه

( آه سعيه

( تعالى معايا

( لفين ؟

مش مهم لفين المهم إننا نمشى...المهم نشم هوا جديد

( المهم -- هو ايه المهم



( المهم انك تبقى معايا )  
 ( ما إنت كنت ماشى من غيرى ) ( لا -- أنا كنت  
 هروح عندك البيت أخذك من أيديك ونمشى  
 ) ونسيب بيوتنا وناسنا وأراضينا.. نسيب أب تعب وأم كانت  
 بتموت عليا كل يوم من القلق ونفسها تفرح بيا --تشوف  
 فرحى -تسمعنى وانا بقول لها عن شغلى وأشوف فى عيونها  
 الفرحة بنجاح بنتها إلى ربّتها وتعبت علشانها اصلك  
 ماتعرفش كتير عن بلدنا طول عمرك وانت أبوك جال عمال  
 يبعدك عن الناس وكأنه كان خايف عليك منهم او من كلامهم  
 أم نفسها تشوف فرح بنتها وتذوقها بإيدها بعد ده كله جاى  
 تقول نمشى سوا وعوزنى أطوعك ونمشى وأحرمها من كل  
 ده وبعدين فين حلمك كتابك ومشورع تخرجك  
 ) ملعون الكتاب ده ... بس هكتبه وهكتب فى اول صفحه  
 أهداء الى قلبك الطيب

وفى الصفحه الثانيه...

رجاء دعوا التراب مكانه لا تقلبو فى تراب مركون بقاله

زمان حتى لاتتوسخ ملايسكم النظيفه

رجاء لاتقلبوا كل الصفحات المطويه...

ولاتقروا مافيهـ يكفى انها مطويه

( روح سافر يامحسن...

انا متمسكه بأرضى وأمى وجزورى الى نبتت فى الأرض

ديا.. الأرض دى هقلب ترابها وأزرع من جديد فى قمح

وفول وزهور وهكتب عن حكاويها وحتى عن الظلم اللى كان

فيها وهبنى بيت جديد وهفتح فيه شبابيك كتيره علشان

يدخل النور من كل مكان فيه مش هبقى فيه تراب مركون

يامحسن سامع أنا صحفيه وشغلتى اقلب فى المركون علشان

يشوف النور شغلتى أفتح شبابيك فيخش النور --فيزيل

النور عفن نما مثل الفطريات فى الطلمه سامع يامحسن

هزرع زهور جديده تكبر فى نور الشمس شذاها يملأ المكان

مع كل صباح-----



إهرب يامحسن ))  
بس عاوزه أقولك حتى لو هربت هتاخذ برضوا الماضي  
معاك مش هيسيبك سامع عمر الماضي مساب صحبه

( سلام

( هترجع

( يمكن

( هتستيني

( يمكن

,,,,,,,,,,,,,, (( على محطة القطار )) -----

( فين القطار مش باين ليه هما غيروا المواعيد

( لأ يا محسن مغبروش المواعيد

هما لغوا القطر ومنعوه يمشى من هنا علشان لازم نبقى

(محبوسين هنا

( عمى جوده -- إنت رايح فين

( انا كنت رايح --بس لازم أرجع أرعى أرض بقالى سنين

برعيها وبزرع الخير فيها أرض سمعت كل كلامى ورسمت

عليها أحلامى وحتى لة أحلامى متحققت ده مش ذنب

الأرض علشان أسيبها ده حلم عشت فيه ونسيت أحقق

حلمى او أمشى بعيد عنه --يبقى الذنب ذنبى مش ذنب

ارضى -- انا كنت سايبها بس بعد ماسمعت سعديه وهى

بتقول لك كلامها قررت ان أعود تانى ويمكن يتحقق حلمى

او يموت معدش يفرق لأنى خلاص من زمان ماتت أحلامى



وأسمع انت كمان لازم ترجع تشوف ارضك انت ليك ارض  
كتير قوى متعرفهاش وعندك فلوس كتير قوى مش هتعرف  
تعدّها -- ارض ليك بمزاجك غصب عنك بقت ليك هي انكتبت  
على أسمك تهرب ترجع بقت ارضك ولو خايف من السؤال  
هروبك مش هيمنع سامع يا محسن سامع  
( لا لازم أمشى على الأقل دلوقتي..

يمكن لما أخط الورق فى كتاب أعرف أرجع تانى....  
( سيبك من الورق القديم هو كدا كدا إتحرق او ضاع دا لو  
كان أصلا فيه ورق أنا عاوزك تكتب كتاب جديد تقول فيه أن  
المظالم كتير واللى مايعرفوش الحب الحقيقى كتير وكمان  
فيه اللى عاشوا للحب مخلصين  
إكتب كتاب جديد متحطش فيه ورق قديم سيبك من ورق  
متعاص بألف آه والى دم مليون تراب ويجيب الهم

( يا عم إنت رايح فيه يا عم جوده متمشيش قبل ماتقول مين  
اللى قتل وكان فيه ايه الورق ) (يا عم جوده انا مش عاوز  
اللى بتقول عليها أَرْضِي ومش عاوز فلوس إتهان بيها  
عرضي بسببها إتعلمت الكره أُمى وبسببها مات  
مقهور من كنت أنتسب إليه بإسمى  
يا عم جوده انا نسيت كل الحكاوى من تعبي وشيلت هم  
وخوفى على أُمى .. يا عم جوده انا نسيت إنتصار وانا  
ابن مين -- انا نسيت كام عمرى من السنين آه لو تحس بنار  
فى قلبى آه لو تعرف انا بقيت ضعيف قد إيه يا عمى  
( خلاص يا محسن خد سعديه وسافر بعيد ولما هتعود  
هتلاقى جوده مستتيك حارس على ارضك--على فلوسك اصل  
جوده ملوش غير هنا بعد ماعمره راح فى إنتظار لحظة لقا  
ولا بسمه من عيون عارفه طريقها وبتعمل انها شاردة --





-----))))) حديث محسن مع نفسه )))))-----  
قولى يابا جوده مين اللى قتل ومين إالى إتقتل --

إيه ذنب أبراهيم --وليه العمده أتحرق --وشيخ البلد كان خايف  
ليه وكان فين عقلهم لما صدقوا انه فيه ورق والست  
لابتعرف تكتب ولاتقرأ اللى مكتوب فى الورق -- قول يابا  
جوده انت ضيعت عمرك ليه --وهو ممكن تلحق منه دلوقتى  
إيه --ليه العقول من الجشع ماتت وبطلت تفهم وبطلت  
تعرف والعجيب انهم خلوا الجهل هو القائد ليهم يسوقهم  
كأنهم ثيران متعلقين فى ساقية بدور بيهم لاعاوزين  
يفكروا ولا يفهموا -- ليه خلوا العلم فى الليل راقد مستور  
كأنه عاوره مكسوفين منها وبيتباهوا بشمس الجهل وحياة  
الظلم عايشينها --- طيب أرجع وقول لقرايب الحاج كامل  
ليه قتلتوا لحكمم

قتلتوة علشان طين طيب أهو الطين راح منكم -- ولا أقول  
 نفسى فى عمرى وعمرى لسه يادوب كان بيبتى وبيفرح  
 قلبى -- ولا أسألك عن عمرى إلى طاع من قدامك وإنت  
 مستنى إلى يمنحك أحلامك -- طيب أهو مات الحلم  
 فى إن يفرح قلبك بلقاء حبك فبقيت ترعى طين على أمل  
 انه فى يوم يمكن تلاقى بواقى من حبك يعنى انت بقيت زيهم  
 شيخ البلد جمع فدادين كتيره بالظلم والقتل وكان فاكراً أن  
 مفيش حد زيه -- وأهو عاش طول عمره خايف  
 ليتفصح سره وهو عمال ينهب ويحوش للى هيوثره وفى  
 الآخر طلعت خلفته بنت يعنى الميراث من تانى هيتفرق على  
 اللى إتنهب منهم --- ولا العمدى اللى كان عايش بين  
 الناس مخوفهم وفى الحقيقه بظلمه هو اللى كان خايف منهم  
 أه عليكى بلد خايفه ومخوفه الناس أه عليكى بلد الكل عارف  
 وساكت اصل الكل فيكى متعاص اللى خد مش حقه وخايف من  
 اللى أتخد حقه



واللى إتخذ حقه خايف يقول آه انا عاوز حقى إرجع يابا  
جوده --وفهم كل أهل البلد أن صاحب الحق إتنازل عن حق  
جه بعار وذل ومش ممكن يعيش صاحب الحق فى بلد هى  
كرهه وحبه هى فخره وندمه ----- هو انا ماشى ولا  
راجع ولا الزمان وقف بيا هو انا تهت ولا فعلا رجعت من تانى  
للبلد ديا طيب انا حاكيت الحكايه وانتوا قولوا ليا أرجع تانى  
ولا أهرب من تانى بعد ما حكيت حكايتى ليكوا وشلت هم من  
على قلبى هم خلانى أعيش غريب فى بلدى

))))تمت بحمد الله))))

# محتوى الكتاب

|                                          |    |
|------------------------------------------|----|
| بطاقة الكتاب                             | ٢  |
| إهداء                                    | ٣  |
| جزور بلا أرض                             | ٣  |
| ولنبداً مع حكايتي                        | ٧  |
| الفصل الأول                              | ١٣ |
| الفصل الثانى تحقيق الأمنية               | ١٩ |
| الفصل الثالث تحقيق الحلم ولقائى بها      | ٢١ |
| الفصل الرابع تدفق بحر الكلمات            | ٢٦ |
| الفصل الخامس إنتظار الفجر واللقاء الثانى | ٢٩ |
| الفصل السادس الحكاية الأولى              | ٣١ |
| الفصل السابع تكملة الحكاية الأولى        | ٣٩ |
| الفصل الثامن الشوق للصباح                | ٤٥ |
| الفصل التاسع حكاية نجاه                  | ٥٤ |
| الفصل العاشر الصندوق                     | ٦٤ |
| الفصل الحادى عشر حديثى مع أمى            | ٦٨ |
| الفصل الثانى عشر حيرة                    | ٧١ |



|     |                                  |
|-----|----------------------------------|
| ٧٥  | ..... الفصل الثالث عشر علاج نصره |
| ٨٠  | ..... الفصل الرابع عشر جوده      |
| ٨٥  | ..... الفصل الخامس عشر حب القلب  |
| ٩١  | ..... الفصل السادس عشر شيخ البلد |
| ١٥٦ | ..... محتوى الكتاب               |